

Inatsisissatut siunnersuut pillugu oqaaseqaatit

Oqaaseqaatit nalinginnaasut

1. Aallaqqaasiut

Aningaasanik nuussinerni Kalaallit Nunaanni akiliinermi ingerlataqartumit nassiunneqartuni/tiguneqartuni akiliisoq pillugu paasissutissat suut ilanngullugit nassiunneqassanersut inatsisissatut siunnersuutikkut aalajangersarneqarpoq.

Inatsisissatut siunnersuut aningaasanik peqquserluutinik malunnarunnaarsaasarneq pinerliiniarnernillu aningaasalersuisarneq pinaveersimatinniarlugit iliuserisassat pillugit Kalaallit Nunaanni malittarisassat malittarisassanut Danmarkimi atuuttunut naapertuuttunngortitseqataassaaq.

Siunnersuut aningaasanik peqquserluutinik malunnarunnaarsaasarnermik pinerliiniarnernillu aningaasalersuisarnermik pinaveersimatitsiniarnermut ilaavoq. Tamatumunnga atatillugu sakkussaq pingaartuuvoq, aningaasanik nuussinerit sutigut tamatigut nassaarineqarsinnaanerit. Siunertaasoq tassaavoq akiliisoq pillugu paasissutissat misissuineri atugassatut pissarsiarineqarsinnaanerit.

Siunnersuut aningaasanik nuussinerit akiliisup aqqa, kontonormua, najugaqarfia imaluunniit inuttut normua pillugit paasissutissanik tamakkiisunik ilaqartinneqartarnissaannik piunasaqaammik imaqarpoq, aningaasanik nuussineq Kalaallit Nunaannit Kalaallit Nunaata avataani nunamiittumut nassiunneqassappat. Pisussaaffiup taassuma killeqarfiit pitarlugit akiliinerit pillugit piunasaqaatit Financial Action Task Forcep (FATF-ip) immikkut inassuteqaataani nr. VII-miittut aamma Europa-Parlamentip Siunnersuisoqatigiillu akiliisoq pillugu paasissutissat aningaasanik nuussineri ilanngullugit nassiunneqartussat pillugit peqqussutaani nr. 1781/2006-mi 15. november 2006-imeersumi aalajangersarneqartup assigaa.

Aningaasanik nuussineq Kalaallit Nunaata iluinnaani pippat aningaasanik nuussinerit akiliisup aappaata kontoata normua pillugu paasissutissap kisimi ilanngullugu nassiunneqarnissaa piunasaqaataavoq.

Kalaallit Nunaata iluani aningaasanik nuussineq paasissutissanik taamaallaat killilinnik ilaqartinneqartussaappat, akiliisup akiliinermik isumaginnittuata akiliisup aqqa, najugaqarfia imaluunniit assersuutigalugu inuttut normu pillugit paasissutissat tamakkiisut tigusisup akiliinermik isumaginnittuanut ullut pingasut qaangiutsinnagit atugassannngortissinnaasussaassavai.

Piomasagaatit assersuutigalugu aningaasanik nuussinernut kreditkortit debetkortilluunniit atorlugit isumagineqartunut, nioqqutissanik kiffartuussinernillu pisinernut atatillugu Kalaallit Nunaata iluani (girokortikkut akiliinermilu akiliiffissiatigut) aningaasanik nussinernut imaluunniit kattuffinnut/suliniaqatigiiffinnut nalinginaasumik iluaqutaasunik siunertaqartunut aningaasanik nuussinernut atuutissanngillat.

Aningaasanik nuussinerni akiliisoq pillugu paasissutissat suut nassiunneqarnissaat pillugu EU-p peqqussutaa

Europa-Parlamentip Siunnersuisoqatigiillu akiliisoq pillugu paasissutissat aningaasanik nassiussiunermi ilanngullugit nassiunneqartussat pillugit peqqussutaani nr. 1781/2006-mi 15. november 2006-imeersup (matuma kingornatigut ”peqqussut 1781/2006”-imik taaneqartartussap) aningaasanik peqquserluutinik malunnarunnaarsaasarnermi iluanaarniarneq (matuma kingorna taamaallaat taaneqartussa q malunnarunnaarsaasarneq) pinerliiniarnernillu aningaasalersuinerik pinaveersaartitsineq, misissuineq aallaavissiuillunilu ujarlernerit siunertarai.

Aningaasanik nuussinermi akiliisoq pillugu paasissutissat suut ilanngullugit nassiunneqassanersut apeqqummi aningaasanik nassiussin neq Naalagaaffiit Peqatigiit iluanni avataanniluunniit pinersuq aalajangiisuuvoq. Akiliisoq pillugu paasissutissat tamakkiisut akiliinermik isumaginnittup aallaavittut nassiuttartussaavai, paasissutissallu tamaasa aningaasanik nuussineq sioqqullugu misissortartussaallugit. Paasissutissani tamakkiisuni akiliisup aqqa, najugaqarfia kontonormualu pillugit paasissutissat ilaapput. Akiliisup ulloq inuuffia, sumi inunngornera, inuttut normua sullitalluunniit ilisarnaartitut normua akiliisup najugaqarfianut taarsiullugit paasissutissiisutigineqarsinnaapput. Akiliisup akiliinermut isumaginnittuata kontonormumut taarsiullugu kinaassutsimut paatsoorneqarsinnaanngitsumik takussutissaq aningaasanik nuussinermi akiliisoq pillugu paasissutissiisinnaasoq atorsinnaavaa. Aningaasanilli nuussinert Naalagaaffiit Peqatigiit iluanni pisut eqqarsaatigalugit paasissutissat suut ilanngullugit nassiunneqarnissaannik piomasagaatit killeqarput, taamaattorli paasissutissat tamakkiisut tiguisup akiliinermik ingerlatsisuata piomasagaqarneratigut akiliisup akiliinermik isumaginnittuanit atugassanngortinneqassapput.

Peqqussutip 1781/2006-ip naalagaaffiit ilaasortaasut aalajangersimasunik piomasagaateqarfigineqarlutik nunat immikkoortuisa ilaannut Naalagaaffinnut Peqatigiinnut ilaasortaanngitsunut aningaasanik nuussinert nunap nammineq iluani aningaasanik nuussinertut suliarinissaannut periarfissaqartippai. Tassa imaappoq, assersuutigalugu Danmarkip Kalaallillu Nunaata akornanni aningaasanik nuussinert akiliisoq pillugu ”paasissutissanik killilinnik” imaqartiinnarlugit nassiunneqarsinnaasut. Kommissioni tassaavoq Danmarkip Kalaallillu Nunaata akornanni akiliinert nunap nammineq iluani akiliinertut isigineqassanersut aalajangiisussa q. Peqqussummi artikel 17, imm. 1-imi pissutsit arlallit Kommissioni akuersissuteqassappat eqqortinneqarsimassasut taaneqarput. Taamaallilluni piomasagaataavoq

- 1) Kalaallit Nunaat Danmarkilu assigiinnik aningaasaqassasut,
- 2) Kalaallit Nunaanni akiliinernik ingerlatsisut Danmarkimi akileeriaatsini ingerlatseriaatsinilu toqqaannartumik toqqaannangikkaluamilluuniit peqataassasut, aamma
- 3) Kalaallit Nunaanni inatsisikkut piunasaqaatigineqassasoq Kalaallit Nunaanni akiliinernik isumaginnittut malittarisassat peqqussummi aalajangersarneqarsimasut assinginiq atuissasut.

Piunasaqaatit siulliit marluk eqqortinneqarsimapput, inatsisissatullu siunnersuut manna piunasaqaatit pingajuata eqqortinneqarneranut peqataassaaq.

Danmarkip inatsisimmik matuminnga akuersinerup kingornatigut Kommissioni nalunaarfigissavaa Kalaallit Nunaata artikel 17, imm. 1-imi piunasaqaatit eqqortikkai naliliisoqartoq. Kommissioni Kalaallit Nunaata Danmarkillu akornanni aningaasanik nuussinerit nunap nammineq iluani nuussinertut akuerissanerlugit tamanna tunngavigalugu aalajangiissaaq. Tamanna Kommissionip akuerippagu inatsimmi matumani pisariaqartunik allaannguuteqartitsisoqassaaq, sakkukillisisineq taanna piviusunngortinniarlugu.

Peqqussummi 1781/2006-imi akiliinernik isumaginnittut paasisutissanik ukiuni tallimani toqqortarinnittarnissaat aamma piunasaqaatigineqarpoq.

2. Inatsisissatut siunnersuutip imarisai

2.1. Inatsisip atuuffia

Inatsit aningaasanik nuussinernut Kalaallit Nunaanni akiliinernik ingerlatsisumit nassiunneqartunut tiguneqartunulluuniit atuutissaaq.

Akiliinernik isumaginnittoq tassaavoq inuk imaluunniit inatsisilerinermi immikkoortoq, sulinermini aningaasanik nuussinerni kiffartuussinernik ilaatitsisoq. Akiliinernik isumaginnittut inatsimmi pineqartunut ilaatinneqartut tassaapput suliffeqarfiit aningaasanik nuussinernik ingerlataqartut imaluunniit Kalaallit Nunaanni nunaniluunniit allani suliffeqarfiit taamaattut immikkoortorta.

Danmarkimi Folketingip inatsisissatut siunnersuutip matuma pissuseqataa piviusunngortinniarpa. Inatsimmi pineqartunut ilaatinneqassapput akiliinernik isumaginnittut aalajangersaavigineqarnerat naalagaaffiup susasaqarfigisaa. Taakku assersuutigalugu tassaapput aningaaseriviit, taarsigassarsisitsisarfiit (realkreditinstitutter) aamma qarasaasiatigut aningaasanik tunniussisartut ileqqaaruteqartarfiillu (sparevirksomheder).

Aningaasanik nuussinerni aningaasanik peqquserluutinik malunarunnaarsaanerit pinerliiniarnernillu aningaasanik nuussinikut aningaasalersuisinnaanerit annikinneruffianni peqqusut 1781/2006 aningaasanik nuussinerit taamaattut inatsisip atuuffiani pineqartunut ilaatitsinnginnissamut periarfissaqartitsivoq. Makku pineqarput:

- 1) Aningaasanik nuussinerit kreditkortit debetkortilluunniit atorlugit isumagineqartut, akiliutinik tiguisup, assersuutigalugu peqatigiiffiup, akiliinermik isumaginnittumut, assersuutigalugu aningaaserivimmumut, nioqqutissanik kiffartuussinernullu akiliinermut periarfissaq isumaqatigiissutigisimappagu.
- 2) Qarasaasiakkut aningaasanik aalajangersimasunik piumasaaqateqarfigineqarluni nuussineq.
- 3) Aningaasanik nuussinerit aalajangersimasut oqarasuaat angallattagaq, digitalikkut atortut it-miluunniit atortut allat atorlugit isumagineqartut.
- 4) Aningaasanik nuussinerit aalajangersimasut 7.500 kr.-t (1.000 eurot) angullugit aningaasartallit akiliinermi akiliiffissiat atorlugit isumagineqartut.
- 5) Kattuffiit/suliniaqatigiiffinnut nalinginnaasumik iluaqutaasunik siunertaqartunut aningaasanik nuussinerit aalajangersimasut 1.125 kr.-t (150 eurot) angullugit aningaasartallit.
- 6) Nammineq kontomit aningaasanngorlugit tiguisinerit.
- 7) Illuatungeriit marluk akornanni isumaqatigiissuteqarnikkut aningaasanik nuussinerit, aningaasanik nuussineq akiliisup kinaassusianut paatsoorneqarsinnaanngitsut takussutissartaqarpap (ass. Betalingsservice)
- 8) Aningaasanik nuussinerit checkinik qarasaasiakkut akuerisaasunik akiliinikkut isumagineqartut.
- 9) Pisortani oqartussaasunut akiliinerit.
- 10) Aningaasanik nuussinerit akiliinermik isumaginnittut namminneq akisussaaffigisaminnik iliuseqartut akornanni isumagineqartut.

2.2. Akiliisup akiliinermik isumaginnittuata pisussaaffii

Akiliisup akiliinermik ingerlatsisuata aningaasanik nuussinerit akiliisoq pillugu paasissutissanik tamakkiisunik imaqarnissaat aallaavittut qulakkiissavaa. Akiliisup aqqa, najugaqarfia kontonormualu paasissutissani tamakkiisuni ilaatinneqarput. Taamaattorli najugaqarfik kontonormulu paasissutissanik allanik aningaasanik nuussinerim akiliisup kinaassusianik takussutitsinnaasunik taarserneqarsinnaapput. Akiliinermik isumaginnittup akiliisoq pillugu paasissutissat tamaasa misissortassavai, nalunaarsuiffiillu paasissutissanik tamakkiisunik imaqartut ukiuni tallimani toqqortarisassallugit.

Taamaattorli Kalaallit Nunaata iluani aningaasanik nuussinerit taamaallaat akiliisup kontonormuanik kinaassutisimulluunniit paatsoorneqarsinnaanngitsumik takussutissiamik aningaasanik akiliisup kinaassusianik takutitsinnaasumik ilaqartinneqartassapput. Tiguisup akiliinermik isumaginnittuata paasissutissat

tamakkiisut piumappagit, akiliisut akiliinermik isumaginnittuata paasissutissat taakku ullut suliffiusut pingasut qaangiutsinnagit atugassanngortissavai.

2.3 Tigusisup akiliinermik isumaginnittuata pisussaaffii

Aningaasanik nuussinert paasissutissanik inatsisikkut piumasaqaatigineqartunik ilaqartinneqarnersut tigusisup akiliinermik isumaginnittuata maluginiassallugu pisussaaffigaa. Akiliinermik isumaginnittup paasissutissat amigaataasut amigaateqartulluunniit paasiguniuk aningaassanik nuussineq itigartissavaa imaluunniit akiliisoq pillugu paasissutissat tamakkiisut piumassallugit. Akiliinermik isumaginnittup paasissutissat piumaneqartut ilanngullugit akuttunngitsumik nassutinngitsoortarsimappagit akiliinermik isumaginnittoq aalajangersimasunik iliuuseqassaaq, aammalu Aningaasanik Peqquserluutinik Malunnarunnaarsaasarnermut Allattoqarfik tamatumingga ilisimatissallugu.

Akiliisoq pillugu paasissutissat amigaataasut amigartulluunniit tigusisup akiliinermik isumaginnittuata aningaasanik nuussineq pasinartuunersuq taamaattumillu Aningaasanik Peqquserluutinik Malunnarunnaarsaasarnermut Allattoqarfimmut aningaasanik peqquserluutinik malunnarunnaarsaasarnerup akiorneqarnera pillugu inatsit tunngavigalugu nalunaarutigineqassanersuq naliineranut aammataaq ilaassaaq.

Akiliisoq pillugu paasissutissanik tiguneqartunik nalunaarsuiffiit tigusisup akiliinermik isumaginnittuata ukiuni tallimani toqqortarissavai.

2.4. Akiliinermik isumaginnittunut akunnermiliuttup pisussaaffii

Akiliisoq pillugu paasissutissat tiguneqartut tamaasa aningaasanik nuussinermut ilanngullugit akiliinermik isumaginnittunut akunnermiliuttup toqqortarineqarnissaat isumagissavaa.

Inatsisissatut siunnersuut Kalaallit Nunaanni akiliinernik isumaginnittunut akunnermiliuttup Kalaallit Nunaata avataani aningaasanik nuussinermi akiliinermik isumaginnittumit nassiussat pisuni aalajangersimasuni akileeriaatsimik teknikkikkut killissalersorneqarsimasumik atuinissaannut periarfissamik aammataaq imaqarpoq.

3. Pisortanut aningaasaqarnikkut allaffissornikkullu kingunerisassai

Aningaasaqarnikkut allaffissornikkullu pisortanut annikitsuaraannarsuarmik kinguneqarnissai nalilerneqarpoq. Nalunaarsuutit nutartertarnerisa malitsigisaannik aningaasartuutit kiisalu maalaaruteqartoqartassappat sulianik samminnittarnernut aningaasartuutit periarfissat atuutereersut iluanni aningaasalersorneqartarnissaat naatsorsuutigineqarpoq. Aningaasarsiornermik sammisaqarnerup nakkutigineqarnerani Kalaallit Nunaata aamma Danmarkip akornanni aaqqissuussinikkut allannguuteqartoqarnissaa siunnersuutip siunertarinngimmagu, ataatsimoortumik tapiissutit siunnersuummit kalluarneqartussaangillat.

4. Inuussutissarsiornermut aningaasaqarnikkut allaffissornikkullu kingunerisassai

Inuussutissarsiornermik ingerlataqartunut aningaasaqarnikkut allaffissornikkullu taamaallaat killeqartorujussuarmik kinguneqarnissaa nalilerneqarpoq.

5. Innuttaasunut aningaasaqarnikkut allaffissornikkullu kingunerisassai

Siunnersuut innuttaasunut aningaasaqarnikkut aqutsinikkullu kinguneqassanngitsoq naliliisoqarpoq.

6. Avatangiisitigut pinngortitamullu kingunerisassai

Siunnersuut avatangiisitigut pinngortitamullu kinguneqassanngitsoq naliliisoqarpoq.

7. Naalagaaffeqatigiinnermut Namminersorlutillu Oqartussanut tunngasut

Namminersorlutik Oqartussat Naalagaaffeqatigiinnerullu inatsisaat siunnersuutikkut assigiissaarneqarput.

8. Oqartussaasunut kattuffinnullu/suliniaqatigiiffinnullu tusarniaaneq

Siunnersuut saqqummiunneqartoq ukununga tusarniaassutigineqarpoq:

KANUKOKA, Kalaallit Nunaanni Sulisitsisut Peqatigiiffiat, Kalaallit Nunaata Eqqartuussivia, Deloitte, Grønlands Revisionskontor, GrønlandsBanken, Nuuk Sparbank, If Forsikring Grønland, Codan Forsikring Grønland, PFA Soraarneq aamma Finanstilsynet.

Tusarniaanermi akissutit marluinnaat takkussimapput, oqaatsitigut taaguutit ataasiakkaat erseqqissaassutigineqarnissaannut oqaaseqaatertalinnik. Taakku siunnersuummi ilanngunneqarsimapput.

**Inatsisissatut siunnersuummi aalajangersakkat ataasiakkaat pillugit
oqaaseqaatit**

Kapitali 1 pillugu

§ 1 pillugu

Peqqusummi 1781/2006-im § 1-i i artikel 3-mi, imm. 1-5 peqqussutip atuuffianut tunngasup assigaa.

Imm. 1-mi aalajangersarneqarpoq nunap suup aningaasai nuunneqartut apeqqutaatinnagit Kalaallit Nunaanni akiliinermik isumaginnittumit nassiunneqartut tiguneqartullu pineqartunut ilaatinneqartut. Siunnersuummi § 5, imm. 1, nr. 3-mi nassuiaammi oqaatigineqarpoq akiliinermik isumaginnittoq tassaasoq inuup inatsisilerinermiluunniit immikkoortup sulinerani aningaasanik nuussinernik kiffartuussinerit ilaasut.

Akiliinermik isumaginnittut inatsisissatut siunnersuummi pineqartunut ilaatinneqartut tassaapput aningaasanik nuussinernik suliaqarfiusut kiisalu Danmarkimi, Kalaallit Nunaanni nunanilu allani suliffeqarfiit taamaattut immikkoortortaqarfii, tassami suliffeqarfiit taamaattut aalajangersaavigineqarnerat Namminersorlutik Oqartussat susasaqarfimmassuk. Inatsisissatut siunnersuutip matuma assinga Danmarkimi Folketingip piviusunngortinniarpa. Inatsimmi tassani akiliinermik isumaginnittut naalagaaffiup aalajangersaavigissallugit susasaqarfisai pineqartunut ilaatinneqassapput. Taakku assersuutigalugu tassaapput aningaaseriviit, taarsigassarsisitsisarfiit (realkreditinstitutter) aamma qarasaasiakkut aningaasanik tunniussisartut ileqqaagaqarnermillu suliaqarfiusut.

Imm. 2-mi aningaasanik nuussinernik kreditkortit debetkortilluunniit atorlugit isumagineqartut aalajangersimasunik piunasaqaateqarfigalugit ilaatinneqanngillat. Tigusisup nioqqutissanik kiffartuussinernillu tunniussinermut kreditkortit aamma debetkortit atorlugit akiliutinik sullitami tiguisinnaaneranut periarfissiisumik tiguisup (ass. peqatigiiffiup) aamma akiliinermik isumaginnittup (ass. aningaaseriviup) akornanni isumaqatigiissuteqartoqasimassaaq. Tassunga assersuut tassaasinnaavoq nioqqutissanik kiffartuussinernillu Dankort, VISA-kort, MasterCard, EuroCard imaluunniit kreditkort debetkortilluunniit alla atorlugu akiliineq.

Aammattaaq piunasaqaataavoq aningaasanik nuussinernik kinaassutsimut paatsoorneqarsinnaanngitsumik takussutissiamik ilaqartinneqartassat, taamaalilluni naatsorsuuserinermi ilisarnaateqassalluni aningaasanik nuussinermut akiliuteqarnermilu kortimut atorneqartumut ataatsimoortumik atatinneqarsinnaasumik. ”Kinaassutsimut paatsoorneqarsinnaanngitsumik takussutissaq” siunnersuummi § 5, imm. 7-imi nassuiarneqarpoq.

Imm. 3-mi aalajangersarneqarpoq aningaasanik nuussinernik qarasaasiakkut aningaasat atorlugit isumagineqartut pineqartunut ilaatinneqassanngitsut, aningaasat nuunneqartut 7.500 kr.-t (1.000 eurot) sinnersimanngippatigit, kortillu immeqqinneqarsinnaanngitsut atorlugit amerlanerpaamik 1.125 kr.-t (150 eurot) toqqortarineqarsinnaappata, imaluunniit kortit immeqqinneqarsinnaasut atorlugit amerlanerpaamik 18.750 kr.-t (2.500 eurot) qaammatisiutit ukiuta ataatsip iluani toqqortarineqarsinnaappata, qaammasiutillu ukiuata ataatsip iluani amerlanerpaamik 7.500 kr.-t (1.000 eurot) tiguneqarsinnaappata.

”Qarasaasiakkut aningaasat” aningaasalersuineq pillugu inatsimmi § 308, imm. 1-imi oqaaseqatigiit aappaanni pingajuannilu nassuiarneqarsimapput. Qarasaasiakkut aningaasat matuma kingornatigut tassaatinneqarput aningaasat nalingi tunniussisussamit pisassarineqartut, qarasaasiakkut toqqortarineqartut. Qarasaasiakkut aningaasat nalingat sinnerlugu tunniunneqassanngillat, tunniussisunillu allaasunit suliffinnit akiliutitut akuerineqarsimasuussallutik.

Aningaasalersuineq pillugu inatsimmi § 309-kkut aalajangersarneqarpoq qarasaasiakkut aningaasanik tunniussisup 2.250 kr.-nit (300 euronit) naleqarnerusunik tunniussissanngitsoq. Inatsisissatut siunnersuummi § 309 pillugu oqaaseqaatini erserpoq aningaasat taakku qummut killissaat ineriartortitsineq peqatigalugu qaffakkiartuaartinneqassasoq. Taamaattumik inatsisissatut siunnersuummi matumani siunnersuutigineqarpoq 7.500 kr.-nut (1.000 euronut) killissaliussatut peqqussummi 1781/2006-imi aalajangersarneqarsimasoq aalajangiusimaneqassasoq.

Imm. 3 apeqquataatinagu *imm. 4*-mi aalajangersarneqarpoq aningaasanut nuussinermut oqarasuaat angallattagaq atorlugu imaluunniit digitalikkut it-
kkulluunniit atortut allat atorlugit ingerlanneqartunut atuutissanngitsoq, taakku siumut akileriigaappata 1.125 kr.-llu (150 eurollu) sinnersimangippatigit.

Imm. 5 atuutsitsinnginnissamik imaqarpoq, tassalu imaappoq inatsit aningaasanik nuussinerit naammassineqarnerisa kingornatigut oqarasuaat angallattagaq, digitalikkut it-
kkulluunniit atortut allat atorlugit akilerneqartunut atuutissanngitsoq. Atuutsitsissannginnermut piumasaqaatit imm. 2-mi taaneqartut assigaat, kiisalu akiliinermik isumaginnittoq aningaasanik peqquserluutinik malunnaarunnaarsaasarneq pinerliiniarnernillu aningaasalersuisarneq pinaveersimatinniarlugit iliuuserisassat pillugit inatsimmi pineqartunut ilaatinneqassasoq.

§ 2 pillugu

§ 2-mi nunami namminermit nioqqutissanik kiffartuussinernillu 7.500 kr.-t (1.000 eurot) tikillugit nalilinnik pisinermut atatillugu aningaasanik nuussinerni inatsit atuutinneqanngilaq, tak. peqqussummi artikel 3, imm. 2, nr. 6. Atuutsitsinnginneq assersuutigalugu girokortinut akiliinermilu kortinut aalajangersimasunut tunngasuvoq. Peqqussummi 1781/2006-imi artikel 3, imm. 2, nr. 6-ikkut aalajangersarneqarpoq naalagaaffiit ilaasortaasut peqqussutip atorneqannginnissaa nunami namminermit aningaasanik nuussinerni taamaattuni toqqarsinnaagaat.

Atuutsitsinnginnissamut periarfissaq inuup suliffeqarfiulluunniit akiliinermik isumaginnittup Kalaallit Nunaanni naapertuuttunngortitsiniarnermi akiuineq pilugu inatsimmi pineqartunut ilaanissaanik piumasaqaatitaqarpoq.

Inatsisissatut siunnersuummi aningaasanik unioqqutitsinikkut pissarsianik inatsisinut naapertuuttunngortitsiniarnermik pinerliiniarnernillu aningaasalersuinermik akiuiniarluni suliniutit innersuussutigineqarmata inatsiseqartitsinikkut

aalajangersakkt makku inatsisip piffissami atortuulfiani pineqartunut ilaatinneqarnissaat naatsorsuutigineqarpoq:

- 1) Aningaasanik peqquserluutinik malunnarunnaarsaasarneq pinerliiniarnernillu aningaasalersuisarneq pinaveersimatinniarlugit iliuuserisassat pillugit Danmarkimi inatsit peqqussutikkut Kalaallit Nunaannut atortuulersinneqarsimassasoq.
- 2) Aningaasanik peqquserluutinik malunnarunnaarsaasarneq pinerliiniarnernillu aningaasalersuisarneq pinaveersimatinniarlugit iliuuserisassat pillugit Inatsisartut inatsisaat (malunnarunnaarsaasernerup akiorneqarnera pillugu inatsit)

Taakkua saniatigut piunasaqaataavoq tigisisup akiliinermik isumaginnittua periarfissaqassaasoq aningaasanik nuussinermut akiliisoq kinaassusersisinnaassallugu. Taamaattumik piunasaqaataavoq akiliutinik tigisisup akiliisullu akornanni isumaqatigiissuteqartoqarsimassasoq, akiliutinik tigisisup paasissutissiineratigut akiliisup kinaassusia paasineqarsinnaalersillugu. Taamaattumik nioqqutissaq kiffartuussinerluunniit tunniunneqartinnagu aningaasanik akiliisup (sullitap) akiliutinillu tigisisup (nioqqutissamik kiffartuussinermilluunniit tunniusissup) akornanni isumaqatigiissuteqartoqareersimassaaq.

§ 3 pillugu

§ 3-mi kattuffinnut/suliniaqatigiiffinnut nalinginnaasumik iluaqutaasunik siunertaqartunut aningaasanik 7.500 kr.-t (1.000 eurot) tikillugit nuussinermi akiliisoq pillugu paasissutissiisussaataaneq atortinneqanngilaq. Tamatumunnga pissutaavoq naalagaaffiit ilaasortaasut kattuffinnik/suliniaqatigiiffinnik nalinginnaasumik iluaqutaasunik siunertaqartunut aningaasanik 150 eurot tikillugit aningaasartaqartunik nuussinermi akiliisoq pillugu paasissutissiisussaataanermik peqqussummi 1781/2006-imi artikel 18 tunngavigalugu atortitsinngitsoorsinnaanerit, tak. artikel 5. Aalajangersagaq taanna kattuffiit/suliniaqatigiiffiit nalinginnaasumik iluaqutaasunik siunertaqartut nassiussisup kinaassusia pillugu piunasaqaatit eqqortinneqanngikkaluartut tunissutinik tigisisinnaannerisa pisariaqanngitsumik akornutissalersorneqannginnissaannik tunngavilersugaavoq.

§ 3-mi atortitsinngitsoorsinnaaneq taamaallaat Kalaallit Nunaanni kattuffinnut/suliniaqatigiiffinnut nalinginnaasumik iluaqutaasunik siunertaqartunut atuuppoq. Tassani assersuutigalugu ikiuiniaqatigiit, suliniaqatigiit upperisarsiornikkut ilinniartitaanikkut siunertaqartut kiisalu timersortartut klubbii. Aalajangersakkap taassuma ikiuiniaqatigiiffiit katersuiniarnissaannut suli periarfissaqartippai, taamaalillutik tunissutit nassiussisup kinaassusia ilisimaneqannginnera pissutigaiinnarlugu itigartinneqartussaajunnaarsillugit.

Imm. 1, nr. 3 aamma nr. 4 tunngavigalugit atortitsinngitsoortoqassappat kattuffiup/suliniaqatigiiffiup pineqartup naatsorsuutinik saqqummiussisarnissamik piunasaqaateqarfigineqartuunissaa kiisalu avataanit kukkuneruissisoqarnissaa

pisortanilluunniit nakkutigineqartuunissaa piumasagaataavoq. Kattuffiup/suliniaqatigiiffiup naatsorsuutinin saqqummiussisussatitaanerani piumasagaammi pineqarpoq kattuffik/suliniaqatigiiffik inatsisitigut ileqqoreqqusamigulluunniit naatsorsuutinin saqqummiussisarnissaminik piumasagaateqarfineqarnera. Erseqqissarneqarpoq avataanit kukkunersiuneq kukkunersiuisumit naalagaaffimmit akuerisaasumit imaluunniit nalunaarsugaasumit isumagineqartussaasoq.

Kattuffiup/suliniaqatigiiffiup tunissutinik atuinera inunnilluunniit ikiuinialuni il.il sulinera aalajangersakkap attunngilaa.

Imm. 1-imi atuutsitsinnginnissaq atorneqassappat *imm. 2-mi* piumasagaatigineqarpoq kattuffik/suliniaqatigiiffik Akileraaruseriffimmi nalunaarsortissasoq, naatsorsuutinin saqqummiussisarnissamik avataaniillu kukkunersiuisoqarnissamik pisortanilluunniit nakkutigineqarnissamik piumasagaatit eqqortinneqarnerat uppersarniarlugu.

Aammattaaq *imm. 2-mi* piumasagaatigineqarpoq kattuffik/suliniaqatigiiffik inuit kattuffiup/suliniaqatigiiffiup qullerpaatut siulersuisui imaluunniit kattuffimmik/suliniaqatigiiffimmik nakkutilliisuusut pillugit paasisutissiissasoq. Taakku pillugit paasisutissat tunniunneqartussat tassaapput ateq, najugaqarfik atorfillu. Taakkunani allannguutit Akileraaruseriffimmut nalunaarutigineqassapput.

Imm. 2-mi piumasagaatinik atuutsitsinnginnissamik aalajangersagaq taanna atorneqassappat Akileraaruseriffiup Kommissionimut peqqussummi artikel 18, *imm. 2* tunngavigalugu ilisimatitsisussaananerani tunngavilersugaavoq. Akileraaruseriviuttaaq kattuuffiit/suliniaqatigiiffiit atortitsinnginnermi ilaatinneqartut allattorsimaffiat Kommissionimut aamma tuniuttussaavaa, inuit kattuffimmik/suliniaqatigiiffimmik nakkutilliisorpiaasut paasisutissiissutigisussaavaa, allattuiffillu qanoq nutartarneqartarnersoq nassuiartussaallugu.

Kattuffiit/suliniaqatigiiffiit pillugit allattuiffik tamanut saqqummiunneqartassaq, Akileraaruseriffiusullu nittartagaani ingerlaavartumik nutarteqarneqassalluni, inunnut suliffeqarfinnullu aningaasanik nalilinnillu nuussisarnermik suliaqartunit ilaatigullu oqartussaasunit aningaasanik peqquserluutinik malunnarunnaarsaasarnernik pinerliiniarnernillu aningaasalersuinernik akiuisunit atugassatut.

§ 3 matumunnga attuumassuteqartut isigineqassaq, tassalu Financial Action Task Force om Money Laundering (FATF-ip) ”kattuffiit/suliniaqatigiiffiit iluanaarniutaanngitsut” pinerliiniarnernik aningaasalersuinermut isertortumik atorneqarnissaat pinaveersaartinniarlugu immikkut tunaartarisassanik aalajangersaasimaneranut, assersuutigalugu takuuk FATF Special Recommendation VIII.

Aningaasanik nuussinert inatsisip atuutinniffii arlallit § 4-mi taagorneqarput. Aalajangersakkap taassuma peqqussummi 1781/2006-imi artikel 3, imm. 7 assigaa, tassanilu aalajangersarneqarpoq peqqussut aningaasanik nuussinernut ilaannut aalajangersimasunut atuutissanngitsaq.

Aningaasanik nuussinert akiliisup nammineq kontominit aningaasanngorlugit tigussiffii ilaatinneqassanngitsut *imm. 1*-mi aalajangersarneqarpoq.

Nr. 2-mi aalajangersarneqarpoq aningaasanik nuussinert pineqartunut ilaatinneqassanngitsut, illuatungeriit marluk akornanni kontokkut akiliinissamut periarfissiisumik aningaasanik akilerneqartussanik nuussinissamut akuersissuteqartoqarsimappat, aningaasani nuussineq pineqartoq inatsilerinermi immikkoortup inuulluunniit kinaassusianik paatsoorneqarsinnaanngitsumik takutitsisumik paasisaqarnissamut periarfissiisumik ilaqartinneqarpat. Assersuutigalugu taamaattoqartarpoq akiliinert PBS aqutigalugu ingerlanneqartut eqqarsaatigalugit.

Checkit qarasaasiakkut akuerisaasut *nr. 3*-mi ilaatinneqanngillat.

Nr. 4-mi aalajangersarneqarpoq Kalaallit Nunaanni akileraarutit, pillaammik akiliisitsissutit akitsuutilluunniit allat oqartussaasunut akilerneqartut ilaatinneqanngitsut.

Kiisalu *nr. 5*-mi aalajangersarneqarpoq akiliisoq tiguisorlu akiliinernik ingerlatsisartuuppata namminneq akisussaaffigisaminnik iliuuseqartut, taava inatsit atuutissanngitsaq.

Kapitali 2 pillugu

Kapitali 2-mi taaguutit arlallit inatsimmi atorneqartut nassuiarneqarput. Kapitali taanna peqqussummi 1781/2006-imi artikel 2-mi nassuiaatinik imaqarpoq.

§ 5 pillugu

Akiliisooq, tiguisooq, akiliinermik isumaginnittoq, akiliinermik ingerlatsisumut akunnermiliuttoq, aningaasanik nuussineq, batchfilitut nuussineq aamma kinaassutsimut paatsoorneqarsinnaanngitsumik takussutissaq inatsimmi pineqartunut ilaasut § 5-imi nassuiarneqarput. Nassuiaatit taakku peqqussummi 1781/2006-imi artikel 2, nr. 3-9-mi nassuiaatit assigaa.

§ 6 pillugu

Aningaasanik peqquserluutinik malunnarunnaarsaasarneq qanoq paasineqassasoq § 6-imi nassuiarneqarpoq. Tassani aningaasanik peqquserluutinik malunnarunnaarsaasarneq pinaveersimatinniarlugu iliuuserisassat pillugit inatsimmi

nassuiaat artikel 1, imm. 2-mi. innersuussutigineqarpoq.
Malunnarunnaarsaasarnermik nassuiaat Europa-Parlamentip aamma
Siunnersuisoqatigiit aningaasanik peqquserluutinik malunnarunnaarsaasarneq
pinerliiniarnernillu aningaasalersuisarneq pinaveersimatinniarlugit iliuuserisassat
pillugit aalajangersagaanni (direktiv) 2005/60/EF-imi artikel 1, imm. 2-miippoq,
artikel 3, imm. 4-mut 5-imullu ataneqartinneqarluni.

Aalajangersakkami tassani ”malunnarunnaarsaasarneq” sumut tunngasuunersoq
nassuiarneqarpoq. Nassuiaanermi pinerluttulerineq pillugu inatsimmi nr. 306-imi,
30. april 2008-meersumi § 111-mi aalajangersagaq tillitanik pisinermut tunngasoq
aallaavigineqarpoq.

Kalaalit Nunaanni inatsiseqartitsineri pinerluttulerinermik inatsiseqartitsineri
malunnarunnaarsaasarnermut atatillugu iliuutsit pinerlunneq sioqqullugu
pinerluuteqarsimasup (soorlu piiasimasup) iliuuserisai ilaangillat, taakkuli
aalajangersakkami pineqartunut ilaatinneqarlutik, tassami pinerluttuliornernik
akiuineri atugassatut nalunaarutiginnittoqartarnissamik pisariaqartitsineq
taannaamat, pinerluttoriaasup imaluunniit pingajuusutut inissisimasup
malunnarunnaarsaaniarluni iliuuseqartuunera apequtaatinnagu.

Taamaattumik siunnersuummi *imm.* 2-mi pinerluuteqartup nammineq pissarsiani
pillugit iliuusai Danmarkimi inatsiseqartitsineri tillitanik tigusinertut
pineqaatissiissutigineqarneq ajortut aamma ilaatinneqarput, tassami pinerlunneq
sioqqullugu pinerluutaasartunut pineqaatissiissutini iliuutsit kingusinnerusukkut
ataneqartinneqartut pinerluttulerineq pillugu inatsiseqartitsineri
akisussaatisarnermi sukumiissumik ilaammata.

Nassuiaatiginninnermi pissutsit akiliinermik isumaginnittut eqqumaffigisassa
pineqarput. Malunnarunnaarsaasarnernit suut nalunaarutiginnittussaataa-
atulersitsinermik apeqquut malunnarunnaarsaasarnermik akiuineq pillugu inatsimmi §
7, imm. 1-ikkut aalajangersaavigineqarpoq.

§ 7 pillugu

Pinerliiniarnerup pinerliiniarnernillu aningaasalersuinerup inatsit tunngavigalugu
qanoq paasineqarnissaat § 7-imi nassuiarneqarpoq. Aalajangersagaq taanna Kalaallit
Nunaanni pinerluttulerineq pillugu inatsimmi § 28-mik aamma § 30-mik
aallaaveqarpoq.

Kapitali 3 pillugu

Kapitali 3 peqqussummi 1781/2006-imi akiliisup akiliinermik isumaginnittuata
pisussaaffii pillugit aalajangersakkat kapitali II-miittut assingannik imaqarput.

§ 8 pillugu

§ 8 peqqussummi 1781/2006-imi artikel 4-p assigaa, tasanilu ”paasissutissat tamakkiisut” qanoq paasineqassanersut oqaatigineqarluni.

Aningaassanik nuussinerup aallaaviata suussusersisinnaassagaanni aningaasanut nuussinermut ilaatillugit akiliisoq pillugu paasissutissat tamakkiisut tiguisup akiliinermik isumaginnittuanut nassiunneqassapput. Paasissutissat tamakkiisut tassaapput ateq, najugaqarfik kontonormulu. Najugaqarfimmut taarsiullugu akiliisup ulloq inunngorfia sumilu inunngornera, sullitamut ilisarnaatitut normu imaluunniit inuttut normu (CPR-normu) atorneqarsinnaapput. Akiliisoq kontonormoqanngippat kinaassutsimut ilisarnaat paatsoorneqarsinnaanngitsoq alla atorneqarsinnaavoq. Aningaasanik nuussinermi akiliisup kinaassusia paasineqarsinnaassaaq. Kinaassutsimut paatsoorneqarsinnaanngitsumik takussutissaq siunnersuummi § 5, nr. 7-imi nassuiarneqarpoq.

§ 9 pillugu

§ 9-p peqqussummi 1781/2006-imi artikel 5 akiliinermik isumaginnittup aningaasanik nuussinermi paasissutissanik nakutilliineranut il.il tunngasoq assigaa.

Imm. 1-mi siunnersuutigineqarpoq aningaasanik nuussinerit akiliisoq pillugu paasissutissanik tamakkiisunik ilaqartinneqarnissaat akiliinermik isumaginnittup qulakkiissagaa.

Imm. 2 malillugu akiliinermik isumaginnittup paasissutissat aningaasanik nuussinerup pinginnerani misissortassavai. Tamanna uppernarsaatit paasissutissalluunniit allat paasissutissiisumit arlaannaannulluunniit attuumassuteqanngitsumit pissarsiarineqartut tunngavigalugit pissaaq. Inuit Kalaallit Nunaanni najugaqartuunngitsut eqqarsaatigalugit inuup normuanut (CPR-normumut) taarsiullugu assersuutigalugu passip normua biilersinnaanermulluunniit allagartap normua, ulloq inunngorfik sumilu inunngorsimaneq (inunngorsimanermut paasissutissat) pillugit paasissutissanik imaluunniit kinaassutsimik paatsoorneqarsinnaanngitsumik takussutissamik inunngorsimanermut paasissutissanik ilaqartillugu atorneqarsinnaavoq. Inunngorsimanermut paasissutissat misissuinermut tunngasut eqqarsaatigalugit pisariaqarput. Suliffeqarfiit eqqarsaatigalugit suliffeqarfiup kinaassusianik paasissutissat tassaasinnaapput ateq, najugaqarfik Kalaallillu Nunaanni GER-normu, imaluunniit normu alla suliffeqarfiup kinaassusianik paasissutissiinissamut naleqquttoq. Suliffeqarfiit Kalaallit Nunaanni najugaqartuunngitsut eqqarsaatigalugit taamatut kinaassusiliiniarnermi atorneqarsinnaasut tassaapput assersuutigalugu nalunaarsuinermi normu ilisarineqarsinnaasoq.

Imm. 3, nr. 1 malillugu nakkutilliinissamik piumasaqaat eqqortinneqartutut isigineqarsinnaavoq aningaasanik nuussineq kontomit sullitap aqqa atorlugu pilersinneqarsimasumit pippat, sullitamut tunngasoq inatsisip atortuulernera sioqqullugu pilersinneqarsimappat, paasissutissallu aningaasanik peqquserluutinik malunnarunnaarsaasarneq pillugu inatsimmi § 22-mi kinaassuseq pillugu

paasissutissat toqqortarineqarnissaannik pisussaaffeqarnek naapertorlugu uninngasuutigineqarpata.

Imm. 3, nr. 2 malillugu nakkutilliinissamik piumasaqaat eqqortinneqartutut isigineqarsinnaavoq, sullisinermut tunngasut inatsisip atuutilinnginerani pilersinneqarsimappata, paasissutissallu tamakkiisut aarlerinartumik naliliineq tunngavigalugu piffissami naleqquttumi pissarsiarineqarpata. Piffissaq naleqquttoq tassaasinnaavoq sullitap akiliinermik isumaginnittumut isumaqatigiissutiminik annertuutigut allanngortitsinerani, taamaattumillu sullitamut attaveqartoqartoq. Paasissutissanik tamakkiisunik piffissami naleqquttumi pissarsiniarsinnaaneq ingerlaavartumik ingerlatsinermut naleqqussaanssamut periarfissiivoq, taamaalillutik inatsisissatut siunnersuummut atatillugu aqutsinikkut nammagassanngortinneqartut sapinngisamik annikinnerpaasinnaaqullugit. Taamaattorli aarlerinartunik tamatigut naliliisoqartassaaq, tassa imaappoq malunnaarunnaarsaasinnaaneq pinerliiniarnernillu aningaasalersuisinnaaneq tamatigut sullitat ataasiakkaarlugit isiginiarlugit naliliiffigineqartassasoq. Aarlerinartunik naliliinermi sullitamik ilisimasaqarnek suliffeqarfiup sullitamut atatillugu manna tikillugu ingerlataqarnermi pissarsiarineqarsimasoq aammattaaq ilaatinneqarsinnaavoq.

Imm. 4-mi aningaasanik nuussinerit 7.500 kr.-t (1.000 eurot) sinnernagit aningaasartallit akiliisoq pillugu paasissutissanik nakkutilliinissamik piumasaqateqarnermi ilaatinneqassanngillat. Akiliinermik isumaginnittup akiliisoq pillugu paasissutissat pigissavai, paasissutissalli taakku misissussanagit, soorlu uppersaatinik misissuinermit.

Aalajangersagaq taanna ilanngunneqarpoq, akileeriaatsip sunniuteqarluassusia akornuserumanagu, taamaattumillu aningaassanik nuussinerit kontonit pisut nakkutigineqarnissaannik piumasaqaatit aamma aningaasanik nuussinerit kontonit pisuunngitsut nakkutigineqarnissaannik piumasaqaatit immikkortissimaneqarput. Aningaassanik nuussinerit kinaassutsimik uppersaansamisk piumasaqaatinik sakkortuallaanik piumasaqateqarnek pissutigalugu pisortatigoortumik aqqutissat avaqqullugit pisalersinnaanerat pinngitsoortinniarlugu akiliisup kinaassusia pillugu paasissutissanik uppersaasussaataaneq taamaallaat aningaasanik nuussinernut kontonit pisuunngitsunit ataasiakkaarlutik pisunut 7.500 kr.-t (1.000 eurot) sinnerlugit aningaasartaqartunut atuutissaaq. Sullitaq taannaasoq aningaasanik arlaleriartumik nuussissunneqarpat, aningaasallu nuunneqartut tamarmiullutik qassiunissaat nuussinermi siullermi ilisimaneqanngippat paasissutissat misissorneqassapput.

Imm. 5-mi aalajangersaarneqarpoq imm. 4-mi aningaasanut 7.500 kr.-t (1.000 eurot) tikillugit amerlassuseqartunut tunngasoq atuutisasannigitoq, aningaasanik nuussineq malunnaarunnaarsaanermut pinerliiniarnernilluunniit aningaasalersuinermit attuumassuteqartoq pasitsaanneqarpat. Aallaavik pisuni taamaattumi aalajangiusimaneqassaaq, taamaalillunilu kinaassutsimik uppersaasooqarnissaa piumasaqaatigineqassalluni.

Paasiniaanissamat periarfissat uppersaasiussassallu isumannaatsuunissaat eqqarsaatigalugu *imm. 6*-mi siunnersuutigineqarpoq akiliisoq pillugu paasissutissat tamakkiisut nalunaarsuiffimmi aningaasanik nuussinerup naammassineqarnerata kingornatigut ukiuni tallimani toqqortarineqartassasut. Taamaalilluni aalajangersagaq taanna inuiaqatigiit annertuutigut soqutigisaannik tunngavilersorneqarpoq, tassami malunnarunnaarsitsiniarnermik pinerliiniarnernillu aningaasalersuinnermik pinaaveersaartitsisoqarnissaa, misissuisoqarnissaa uppersaasoqarnissaalu qulakkeertussaagamigit.

§ 10 pillugu

§ 10 tassaavoq peqqussummi 1781/2006-imi artikel 6-imi allatut ilusiliineq, taamaalilluni imarisaa Kalaallit Nunaannut nalequssarneqarluni. Artikel 6-mi aalajangersarneqarpoq Naalagaaffiit Peqatigiit iluanni aningaasanik nuussinerit taamaallaat akiliisup kontonormuanik imaluunniit kinaassutsimik paatsoorneqarsinnaanngitsumik takussutissamik ilaqartinneqassasut. Kalaallit Nunaat EU-mut ilaasortaanngimmat aalajangersagaq taanna taamaallaat Kalaallit Nunaata iluani aningaasanik nuussinernut atorsinnaavoq, Naalagaaffiilli Peqatigiit iluanni atorsinnaanani. Tassa imaappoq aningaasanik Kalaallit Nunaata EU/EUS-imilu nunat allat akornanni nuussinerit paasissutissamik tamakkiisunik ilaqartinneqartassasut.

Imm. 1-mi siunnersuutigineqarpoq akiliisup tiguisullu akiliinnermik isumaginnittuat Kalaallit Nunaanniippat paasissutissat suut aningaasanik nuussineri peqataatinneqassanerannik § 9-mi piumasaqaat atuutissanngitsoq. Taamaattorli piumasaqaataavoq aningaasanik nuussineq akiliisup kontonormuanik imaluunniit kinaassutsimik paatsoorneqarsinnaanngitsumik takussutissamik aningaasanik nuussineri akiliisup kinaassusianik takutitsisinnaasumik ilaqartinneqartassasoq.

Peqqussummi artikel 17 periarfissiivoq aningaassanik Kalaallit Nunaata Danmarkillu aamma Kalaallit Nunaata Savalimmiullu akornanni nuussinerit taamaallaat paasissutissamik killilinnik ilaqartinneqarsinnaasut. Tamatumani piumasaqaataavoq peqqusutip tigussaasut pillugit malittarisassai Kalaallit Nunaanni atuutissasut. Taamaattumik inatsisip matuma atortuulernerata kingornatigut Danmarkip Kommissioni qinnuiginiarpaa kunngearfiup Danmarkip iluani aningaasanik nuussinerit taamaallaat paasissutissamik killilinnik ilaqartinneqartarnissaat akuersissutigeqqullugu.

”Akiliinnermik isumaginnittup Kalaallit Nunaanniinnera”-nik oqarnermi pineqarpoq akiliinnermik isumaginnittoq Kalaallit Nunaanni malunnarunnaarsaasarnermik akiuiniarluni inatsimmi pineqartunut ilaatinneqassasoq.

§ 5, *imm. 7*-itut siunnersuummi erserpoq ”kinaassutsimut paatsoorneqarsinnaanngitsumik takussutissaq” tassaatinneqartoq naqqinnerit, kisitsisit ilisarnaatilluunniit ataatsimoortitat, akiliinnermik isumaginnittumit aalajangersarneqarsimasut, akiliinnermik, isumaginninnermik

nalunaaruteqartarnermillu ingerlatseriaatsit aningaasanik nuussinerit isumagineqarneranni atorneqartartut pillugit allattaaviit naapertorlugit.

Imm. 2-kkut piunasaqaatigineqarpoq akiliisoq pillugu paasissutissat tamakkiisut ullut suliffiusut pingasut qaangiutsinnagit atugassannagortinneqassasut, tamanna tiguisup akiliinermik isumaginnittuata qinnutigippagu.

§ 11 pillugu

§ 11-ip peqqussummi 1781/2006-imi artikel 7 assigaa. Artikel 7 malillugu aalajangersarneqarpoq aningaasanik nuussinerit akiliinermik isumaginnittoq Naalagaaffiit Peqatigiit avataanniippat paasissutissanik tamakkiisunik ilaqartinneqassasut. Kalaallit Nunaat eqqarsaatigalugu tamanna imatut isumaqarpoq aningaasanik Kalaallit Nunaannit nunanut EU/EUS-imi ilaasunut nuussineq paasissutissanik tamakkiisunik ilaqartinneqassasoq.

Imm. 1-mi piunasaqaatigineqarpoq aningaasanik nuussineq tiguisup akiliinermik isumaginnittua Kalaallit Nunaata avataanniippat akiliisoq pillugu paasissutissanik tamakkiisunik ilaqartinneqassasoq. Paasissutissat tamakkiisut pillugit piunasaqaatit § 8-mut siunnersuummiipput.

”Kalaallit Nunaata avataanniippat”-mik oqarnermi pineqarpoq akiliinermik isumaginnittoq Kalaallit Nunaanni malunnarunnaarsaasarnermik akiuinarluni inatsimmi pineqartunut ilaatinneqassanngitsoq.

Batchfilitut nuussinerni paasissutissat tamakkiisut *imm. 2-mi* ilaatinneqanngillat, tiguisup akiliinermik isumaginnittua Kalaallit Nunaata avataanniippat. Taamatut ilaatitsinnginnerup akiliisumit ataatsimit aningaasartuutaasunik sipaarutaasumik aningaasanik nuussinerit arlallit ataatsimoortillugit pinissaq periarfissippaa. Nuussinerit taakku taamaallaat akiliisup kontonormuanik imaluunniit kinaassutsimut paatsoorneqarsinnaanngitsumik takussutissamik ilaqartinneqassapput, batchfili nammineq akiliisoq pillugu paasissutissanik imaqarpat.

Kapitali 4 pillugu

Kapitali 4-p peqqussummi 1781/2006-imi kapitali III assigaa, tiguisullu akiliinermik isumaginnittua pillugu malittarisassanik aalajangersaasuulluni.

§ 12 pillugu

§ 12-ip peqqussummi 1781/2006-imi artikel 8 assigaa.

Aalajangersakkami piunasaqaatigineqarpoq tiguisup akiliinermik isumaginnittua pisussaaffeqassasoq nalunaaruteqariaatsimi, akileeriaatsimi isumaginneriaatsimiluunniit akiliisoq pillugu paasissutissanik immersuiffissat

anigaasanik nuussinermi atugassami immersorneqartussat ilisarnaatinik allanilluunniit isumaginneriaatsimi pineqartumi malittarisassat malillugit akuerisaasuni immersorneqarsimanersut misissussallugu.

Nr. 1 malillugu tiguisup akiliinermik isumaginnittua pitsaasumik periaaseqassasoq, akiliisup akiliinermik isumaginnittua Kalaallit Nunaanniippat paasissutissat § 10-tut siunnersuummi taaneqartut amigaataanersut paasiniaanermini. Tamanna periaatsit qanoq annertussuseqarnissaannik piumasaqaataanngilaq, pingaaruteqartorli unaavoq paasissutissat taaneqartut amigaataannginnerisa qulakkeerneqarnissat.

”Akiliinermik isumaginnittup Kalaallit Nunaaniinnera”-nik oqarnermi pineqarpoq akiliinermik isumaginnittoq Kalaallit Nunaanni malunnarunnaarsaasarnermik akiuiniarluni inatsimmi pineqartunut ilaatinneqartoq.

Nr. 2 malillugu anigaasanik tiguisup isumaginnittua sunniuteqartunik suleriaaseqatariaqarpoq, paasisinnaaniarlugu paasissutissanik siunnersuummi § 10-mi taaneqartunik paasissutissanik tamakkiisunik amigaateqartoqarnersoq paasisinnaaniassallugu, imaluunniit taamaassappat paasissutissat siunnersuummi § 17-imi taaneqartut pillugit, soorlu akiliinermik isumaginnittoq Kalaallit Nunaata avataani inissisimanersoq.

”Akiliinermik isumaginnittup Kalaallit Nunaaniinnera”-nik oqarnermi pineqarpoq akiliinermik isumaginnittoq Kalaallit Nunaanni malunnarunnaarsaasarnermik akiuiniarluni inatsimmi pineqartunut ilaatinneqanngitsoq.

Nr. 3 malillugu batchfilitut nuussinerni akiliisup akiliinermik isumaginnittua Kalaallit Nunaata avataaniippat tiguisup akiliinermik ingerlatsisua paasissutissat § 8-tut siunnersuummi taaneqartut amigaataanersut paasiniaanermi pitsaasunik periaaseqassasoq, taamaattorli taamaalaat batchfilitut nuussinerinnarmi, imaanngitsoq nuussinerni ataasiakkaani tassani katersorneqarsimasuni.

§ 13 pillugu

§ 13-ip peqqussummi 1781/2006-imi artikel 9 assigaa.

Imm. 1-ip kinguneranik tiguisup akiliinermik ingerlatsisuata anigaassanik nuutanik tiguisinermi akiliisoq pillugu paasissutissat amigaataasut amigaateqartulluunniit paasiguniuk nuussineq itigartissagaa imaluunniit akiliisoq pillugu paasissutissat tamakkiisut piumassagai.

Imm. 2-mi piumasaqaatigineqarpoq akiliinermik isumaginnittup akiliisoq pillugu paasissutissat piumasaqaatasut akuttunngitsumik tunniuttanngippagit tiguisup akiliinermik isumaginnittua iliuseqassasoq. Tamanna pisinnaavoq suliffeqarfimmi namminermi kisisitit atorlugit takussutissianik nalunaarsuiffimmi nalunaarsuinikkut. Kisitsitit atorlugit paasissutissat taakku akuttunngitsumik nutarterneqartassapput, akiliinermillu ingerlatsisut nalunaarsorneqarsimasut mianersoqqussummik tunineqassanersut, anigaasanik siunissami nuussinerit

itigartinneqassanersut imaluunniit akiliinermik isumaginnittumik suleqateqarneq killilersorneqassanersoq unitsinneqassanersorluunnit naliliisoqassalluni. Akiliinermik isumaginnittoq mianersoqqussummik tunniussippat, piffissaliussanik aalajangersaappat imaluunniit suleqatiginninnerminik killilersuippat unitsitsippalluunnit Aningaasanik Peqquserluutinik Malunnarunnaarsaanermut Allattoqarfik tamatuminnga nalunaarfigineqassaaq.

§ 14 pillugu

§ 14-ip peqqussut 1781/2006-imi artikel 10 assigaa.

Aalajangersakkami erseqqissarneqarpoq paasissutissat amigarnerat tamarmilluunniit amigaataanerat tiguisup akiliinermik isumaginnittuata aningaasanik nuussineq assigisaanilluunniit nuussineq pasinarneraq nalilersussagaa, aammali Aningaasanik Peqquserluutinik Malunnarunnaarsaanermut Allattoqarfik malunnarunnaarsaanermik akiuineq pillugu inatsimmi § 7 tunngavigalugu nalunaarfigineqassanersoq naliliinerani ilaatinneqartassasoq.

§ 15 pillugu

Paasiniaanissamat periarfissat eqqarsatigalugit § 15-mi, peqqussummi 1781/2006-imi artikel 11-p assigisaani, siunnersuutigineqarpoq akiliisoq pillugu paasissutissat tiguisup akiliinermik isumaginnittuata nalunaarsuiffimmi ukiuni tallimani toqqortarisassagai.

Aalajangersagaq taanna inuiaqatigiit soqutigisaannut annertuumik pingaaruteqarpoq, tassami malunnarunnaarsaanermik aamma pinerliiniarnernik aningaasalersuineramik pinaveersaartitseqataanissamik paasiniaanermillu kiisalu uppenarsaasersuineramik qulakkeereqataassagami.

Kapitali 5 pillugu

Kapitali 5-ip peqqussummi 1781/2006-imi kapitali IV assigaa, akiliinermillu isumaginnittunut akunnermiliuttut pillugit malittarisassanik aalajangersaasuulluni. Akiliinermik isumaginnittunut akunnermiliuttoq tassaavoq akiliinermik isumaginnittoq, akiliisup tiguisulluunnit akiliinermik isumaginnittorinngisaat, aningaasanillu nuussinerup isumagineqarnerani peqataasoq, tak. § 5, nr. 4-tut siunnersuummi nassuiaat.

§ 16 pillugu

§ 16-ip peqqussummi 1781/2006-imi artikel 12 assigaa.

Tassuuna aalajangersarneqarpoq akiliinernik isumaginnittunut akunnermiliuttup akiliisoq pillugu paasissutissat tiguneqartut tamaasa aningaasanik nuussinermut ilanngullugit toqqortarineqarnissaat isumagissagaa.

§ 17 pillugu

§ 17 tassaavoq peqqussummi 1781/2006-imi artikkel 13-ip oqaasertaanik allanngortitsiviusoq, taamaalilluni imarisai Kalaallit Nunaannut naleqqussarneqarlutik.

Imm. 1 atorneqassaaq akiliisup akiliinermik isumaginnittua Kalaallit Nunaata avataaniippat, akiliinermillu isumaginnittumut akunnermiliuttoq Kalaallit Nunaanniippat.

”Kalaallit Nunaata avataaniippat”-mik oqarnermi pineqarpoq akiliinermik isumaginnittut akunnermiliuttoq Kalaallit Nunaanni malunnarunnaarsaasarnermik akiuiniarluni inatsimmi pineqartunut ilaatinneqanngitsoq.

”Akiliinermik isumaginnittumut akunnermiliuttoq Kalaallit Nunaanniippat”-mik oqarnermi pineqarpoq akiliinermik isumaginnittoq Kalaallit Nunaanni malunnarunnaarsaasarnermik akiuiniarluni inatsimmi pineqartunut ilaatinneqassasoq.

Imm. 2 akiliinermik isumaginnittup akileeriaatsinik naak teknikkikkut killissaliissutitaqaraluartunik atuinisaanut periarfissiivoq. Teknikkikkut killissaliissutit akiliisoq pillugu paasissutissat tiguneqartut tamarmik ilanngullugit nassiunneqarnissaat periarfissaqartinngippagu paasissutissat taakku akiliinermik isumaginnittunut akunnermiliuttup nalunaarsussavai, tak, imm. 5.

”Teknikkikkut killisaliissut” assersuutigisalugu tassaasinnaavoq akileeriaatsip akiliisoq pillugu paasissutissanik tamanik ilanngussilluni nassiussisinnaannginnera.

Imm. 3-p kinguneranik akiliinermik isumaginnittunut akunnermiliuttup akiliisoq pillugu paasissutissat inatsisissatut siunnersuut manna tunngavigalugu piumasaaqatigineqartut amigaataasut tamakkiisuunngitsulluunniit aningaasanik nuussinermik tigusinermi paasippagu, akiliinermik ingerlatsisunut akunnermiliuttup akileeriaatsit teknikkikkut killissalersuutillit aatsaat atorsinnaagai akiliinermik isumaginnittunut akunnermiliuttup paasissutissat amigaataanerat amigarneralluunniit tigusisup akiliinermik isumaginnittuanut arlaatigut iliorluni malugeqqusimappagu. Akiliinermik isumaginnittunut akunnermiliuttup qanoq iliorluni nalunaaruteqarnissaani periaaseq siumut isumaqatigiissutigineqareersimassaaq. Ilisimatitsineq akileeriaatsimik nalunaaruteqariaatsimilluunniit atuineratigut, imaluunniit periutsimik allamik akiliinermik isumaginnittut taakku marluk akornanni akuerisaasumik isumaqatigiissutaasumilluunniit atuinikkut.

Imm. 4-mi piumasaaqatigineqarpoq akiliinermik isumaginnittunut akunnermiliuttoq akileeriaatsimik teknikkikkut killissaliissutitalimmik atuippat akiliisoq pillugu

paasissutissat tiguneqartut tamaasa akiliinermik isumaginnittunut akunnermiliuttup tiguisup akiliinermik isumaginnituata qinnuteqarneratigut ullut suliffiit pingasut qaangiutinnginneranni atugassanngortissinnaassagai.

Imm. 5 malillugu akiliinermik isumaginnittunut akunnermiliuttartup *imm. 2*-mi aamma *imm. 3*-mi taaneqartut itunik pisoqartillugu paasissutissat tiguneqartut tamaasa pillugit nalunaarsuiffiit ukiuni tallimani toqqortarissagai.

Aalajangersagaq taanna inuiaqatigiit soqutigisaannut annertuumik sunniuteqarpoq, tassami malunnarunnaarsaasarnermik aamma pinerliiniarnernik aningaasalersuineramik pinaveersaatitseqataanissamik misissuinermillu kiisalu uppernaarsaersuineramik qulakkeereqataassagai.

Kapitali 6 pillugu

§ 18 pillugu

Imm. 1-mi siunnersuutigineqarpoq aningaasanik nuussisarnermik suliaqartut imaluunniit Kalaallit Nunaanni nunaniluunniit allani suliffeqarfiit taamaattut inatsimmik malinninnerat Akileraaruseriffiup nakkutigissagaa.

Imm. 1 peqqussummi 1781/2006-imi artikel 15, *imm. 3*-mut ataneqartillugu isigineqassaaq, tassuunami aalajangersarneqarmat oqartussaasut taamaaliornissaminnut pisinnaatitaasut peqqussutip malinneqarnera qulakkeerniarlugu suliniutit pitsaasumik nakkutigalugillu pilersittassagaa.

Imm. 2-mi erserpoq suliffeqarfiit immikkoortortaqarfiillu *imm. 1*-imi taaneqartut peqqussutip malinneqarnerata nakkutiginerani paasissutissat pisariaqartut Akileraaruseriffimmut tunniutissagaa. Akileraaruseriffik pinngitsaaliiniutit pillaammik ullormiit ullormut sapaatilluunniit akunnikkaartumik akiliisussanngortitsisinnaavoq, tak. siunnersuummi § 20, *imm. 2*.

Imm. 2 peqqussummi 1781/2006-imi artikel 14-imut ataneqartillugu isigineqassaaq, tassuunami aalajangersarneqarmat oqartussaasut malunnarunnaarsaasarnermik pinerliiniartarnernernillu akiuinernut akisussaasut qinnutigisaat akiliinermik ingerlatsisunut akunnermiliuttup ilaatigut tamakkiisumik ingerlaannarlu malittassagai, akiliisoq pillugu paasissutissat aningaasanik nuussinernut atatillugu ilanngullugit nassiunneqartussat taakkunungalu nalunaarsuiffiit eqqarsatigalugit.

§ 19 pillugu

Siunnersuutigineqarpoq Inuussutissarsiornermut Suliffeqarnermillu Naalackersuisoqarfimmut naammagittaalliornissamut periarfissaq atulersinneqassasoq. Aalajangersakkami tassani Akileraaruseriffiup inatsit tunngavigalugu aalajangiineri kisimik pineqarput.

Inuussutissarsiornermut Suliffeqarnermullu Naalakkersuisoqarfiup aalajangiineri eqqartuussivinnut suliaassanngortinneqarsinnaapput.

Kapitali 7 pillugu

§ 20 pillugu

Imm. 1-mi siunnersuutigineqarpoq § § 9, imm. 1-imik, imm. 2-mik, imm. 4-mi aamma imm. 6-imik, § 10, imm. 2-mik, § 11, imm. 1-imik, § 12-imik, § 13-imik, § 15-imik, § 16-imik kiisalu § 17, imm. 3-5-imik piaaraluni mianersuaalliorujussuarluniluunniit unioqqutitsinerit pineqaatissiissutigineqartassasut.

Pineqaatissiissut aallaavittut tassaavoq pillaammik akiliisitsineq, pisunili immikkut sakkortusaataasuni qaammatini arfinilinni parnaarussaanermut sakkortusineqarsinnaalluni. Pisut immikkut sakkortusaataasut tassaatinneqarput immikkut sakkortuumik annertuumilluunniit piaaraluni unioqqutitsinerit.

Imm. 2-mi erserpoq Akileraaruseriffiup inuk suliffeqarfilluunniit pinngitsaaliiniutitut pillaammik akiliisussanngortissinnaagaa, paasissutissat inatsisip malinneqarneranik nakkutilliinermi pisariaqatut inuup suliffeqarfiulluunniit tunniutinngippagit.

Imm. 3 malillugu ingerlatseqatigiiffiit il.il (inatsisilerinermi immikkoortutut isigineqartut) pinerluttulerineq pillugu inatsimmi Kalaallit Nunaanni atuuttumi nr.306-imi, 30. april 2008-meersumi kapitali 5-imi malittarisassat tunngavigalugit pinerluttulerineq pillugu inatsiseqartitsinikkut akisussaatinneqarsinnaasut.

Takussutissaq 1

EUROA-PARLAMENTET SIUNNERSUISOOQATIGILLU PEQQUSSUTAAT (EF) nr. 1781/2006

15. november 2006-imeersoq

anigaasanik nuussinermi akiliisoq pillugu paasissutissanik nassiussisarneq

(naqitat EUS-imut attuumassuteqartut)

EUROPA-PALAMENTET AAMMA EUROPAMI NIUEQATIGIINNUT SIUNNERSUISARTUT IMA AALAJANGIISIMAPPUT –

Europami niueqatigiit pilersinneqarnerat pillugu isumaqatigiissut
innersuussutigalugu, pingaartumik artikel 95,

Kommissionenimit siunnersuutit innersuussutigalugit

Den Europeiske Centralbank-ip oqaaseqaatai innersuussutigalugit,¹⁾

isumaqatigiissutip artikel 251,²⁾ malillugu suleriaaseq malillugu, aamma

eqqarsaatigisassat makku aallaavigalugit:

(1) Aningaasanik nuussinerit aqutigalugit aningaasat peqquserluutit ingerlaartinneri aningaasarsiornerup patajaatsuuneranik tusaamasaalluarnanillu ajoqusiisinnaavoq nunallu akornanni niueqatigiinnermik aarlerinartitsilersinnaalluni. Pinerliisarnerit inuiaqatigiinnitsinni tunngavigut aalassatsittarpaat. Aningaasanik nuusseriaatsip ”peqqissusia”, inniminassusia patajaassusialu kiisalu aningaasarsioriaaseq ataatsimut isigalugu pinerlunniuartut aqutigalugit annertuumik ulorianartorsiortinneqalersinnaavoq kiisalu inuit pinerlunnermi iliuutsit aqutigalugit iluanaarutit paasiuminaassarneri inuit ilungersuuteqarlutik peqataaneri imaluunniit pinerliiniarnernik siunertaqartunut aningaasanik nuussisarnerit taama ulorianartorsiortitsilersinnaallutik.

(2) Pinerlunnermik iliuutsit ajornaanninngortinniarlugit inuit aningaasanik peqquserluutinik malunnarunnaarsaasartut imaluunniit pinerliiniarnernik aningaasalersuinnermikkut, aningaasat pituttorsimangitsumik ingerlaartinneqarsinnaaneri, aningaasarsiornerup inniminassusiata nassatarisaat iluaqutiginiarsinnaavaat, iliuusissat ataqatigiissut ilaat niueqatigiit inatsisiliuullugit aalajangersaangippata. Iliuutsit tamakku annertussusiisigut pingaartumik immikkut makku qulakkeertariaqarpaat; Aningaasanik Peqquserluutinik Malunnarunaarsaasarneq pillugu Aningaasarsiornermik Suleqatigiissitanit (FATF) aningaasanik nuussisarneq pillugu immikkut inassutigisaat VII (SR VII), nunat G7-it 1989-imi Paris-imi ataatsimeersuarneranni pilersinneqartoq, Europami Niueqatigiinni tamani assigiissaartumik pilersinneqassaaq, pingaarnertullu naalagaaffiit ilaasortaasut iluanni nunami immini akiliisarnerit kiisalu naalagaaffiit ilaasortaasut akornanni killeqarfiit akimorlugit akiliisarnerit assigiinngisillugit iliuuseqartoqassanani. Naalagaaffiit ilaasortat ataasiakkaat tungaannit killeqarfiit akimorlugit aningaasanik nuussisarnerit ataqatigiissaarneqanngitsumik iliuuseqarniassappata, niueqatigiinni akileeriaatsit atuuffii akornusersinnaavaat,

taamaalillunilu nunat akornanni niueqatigiinnermi aningaasarsiornikkut kiffartuussinernik ajoqusiisinnaallutik.

(3) USA-mi 11. september 2001 pinerliiniat saassussinerisa kingunerisaanik Det Europæiske Råd 21. september 2001 immikkut ittumik ataatsimiinnerminni erseqqissaatigaat, pinerliiniarnernik akiuiniarneq Europami Niueqatigiinnut anguniagassaasoq pingaaruteqarluinnartoq. Det Europæiske Råd-ip makku pillugit iliuusissatut pilersaarut akueraat; nunat tamat pinerliiniarnernik akiuineranni inatsisitigut sakkussaat ineriartortinniarlugit politeeqarnikkut inatsiseqarnikkullu suleqatigiinnerup nukittorsarneqarnissaa, pinerliinianik aningaasalersuinerup pitsaaliornissaa, silaannakkut angallannermi isumannaallisaanerup nukittorsarneqarnissaa kiisalu politikkit (suleriaatsit) attuumassuteqartut akornanni annertunerusumik assigiissaarinissaq. Iliuusissatut pilersaarut taanna Madridimi 11. marts 2004 pinerliiniat saassussereerneranni Det Europæiske Råd-imit nutarterneqarpoq, maannalu pilersaarummi pinerliiniarnernik akuinissaq siunertaralugu inatsisitigut periarfissat qulakkeerneqarnissaanut pisariaqartitsineq immikkut isummerfigineqarpoq kiisalu inatsisitigut suleqatigiinnerup tulluussarneqarnera pitsanngorsarneqassasoq, taamaalilluni pinerliiniarnernik aningaasalersuineq pillugu immikkut inassutigisanut, FATF-ip akuerisimasaanut, tulluuttunngortinneqassallutik.

(4) Pinerliiniarnernik aningaasalersuisarnerit pitsaaliorniarlugit inuit ilaasa, suleqatigiit ilaasa peqatigiillu ilaasa pigisaat aningaasatigullu isumalluutaat mattunneqarnissaat siunertaralugu iliuusissanik isumaqatigiissuteqartoqarpoq, tamakkununga ilaallutik Siunnersuisooqatigiit peqqussutaat (EF) nr. 2580/2001³⁾ aamma Siunnersuisooqatigiit peqqussutaat (EF) nr. 881/2002.⁴⁾ Tamakku eqqarsaatigalugit aningaasarsiornikkut suleriaatsit pigisat aningaasatigullu isumalluutit pinerliiniarnernik siunertaqartunut ingerlatseqqinnginnissaannut illersorneqarnissaat siunertaralugu iliuusissanik taamattaaq aalajangiineqarpoq. Europa-Parlamentetip aamma Siunnersuisooqatigiit peqqussutaat 2005/60/EF⁵⁾ aningaasarsiornermi suleriaatsit aningaasanik peqquserluutinik malunnarunnaarsaasarnermut pinerliiniarnernillu aningaasalersuineranut atonerlunneqarnissaannut akiuiniarluni siunertaqartunik iliuusissanik arlalinnik imaqarput. Iliuusissalli tamakku pinerliiniat pinerluttullu allat akileeriaatsinik atuinissaannut, aningaasaatiminnik nuussinissaannut, tamakkiisumik pinngitsoortitsisinnaanngillat.

(5) Aningaasanik peqquserluutinik malunnarunnaarsaasarnernup pinerliiniarnernillu aningaasalersuisarnerup nunat tamat akiuiniarneranni ataatsimoortumik suleriaasissat pilersinniarlugit, niueqatigiinni suliniutini nutaani tamakku allanngoriartornerat eqqarsaatigineqartariaqarput, t.i. FATF-imit inassutigisat immikkut ittut qulingiluat, pingaartumik SR VII kiisalu taakkuninnga piviusunngortitsinissanut nassuiaatit nutartikkat.

(6) Aningaasanik peqquserluutinik malunnarunnaarsaasarnernut imaluunniit pinerliiniarnernik aningaasalersuisarnernut pitsaaliuineranut, misissuineranut aallaaviinillu paasiniaanernut atatillugu immikkut sakkussatut pingaaruteqartoq tassaavoq, aningaasanik nuussinerit immikkoortui tamat aallaavii

paasineqarsinnaanissaat. Akiliisoq pillugu paasissutissat akileeriaatsit tamaasa aqqusaarlugit ingerlateqqittarnissaat qulakkeerniarlugu, akiliinernik isumaginnittut pisussaaffilissallugit siunertaqarpoq, aningaasanik nuussinerit akiliisoq pillugu paasissutissanik sukumiisunik iluaqutaasunillu ilaqartittarnissaat isumagissallugu.

(7) Peqqussummi tassani aalajangersakkat Europa-Parlamentets aamma Siunersuisooqatigiit innersuussutaat 95/46/EF⁶⁾ aqqutigalugu sillimaniutit atuutsinneqarput. Assersuutigalugu paasissutissat peqqussut manna atorlugu katersorneqartut toqqortarineqartullu aningaasarsiornermik siunertaqartunut atorneqaqqusaanngillat.

(8) Inuit, akiliinernik isumaginnittartumik isumaqatigiissuteqarneq tunngavigalugu uppersaatinik pappiliaasunik qarasaasiakkut paasissutissanngortitsillutik allannguiinnartut, peqqussutip atuuffianut matumunnga ilaatinneqanngillat; assinganissaaq atuuppoq inuk tigussaasoq imaluunniit inuk inatsisitigut atuuttoq, akiliinernik isumaginnittumut nalunaaruseeriaatsinik tunniussiinnartoq imaluunniit aningaasanik nuussinermut atatillugu iluaqutissanik allanik tunniussiinnartoq imaluunniit akuerseriaatsinik akileeriaatsinillu tunniussiinnartoq.

(9) Aningaasanik nuussinernut atatillugu aningaasanik peqquserluutininik malunnarunnaarsaaniarneq imaluunniit pinerliiniarnernik aningaasalersuiniarneq annikitsinguamilluunniit aarlerinaateqarpat, nuussinerit taamaattut peqqussutip matuma atuuffianit itigartinnissaat tulluurtuussaaq. Pinngitsoortitsinerit taamaattut makkununga tunngasariaqarput; akiitorsinnaanermut akiliisinnaanermulluunniit kortit, aningaasanik tiguisarfinnit tiguisinerit, toqqaannartumik akiliinerit, checkit qarasaasiakkut akuerisat, akileraarutininik akiliineq, pineqaatissiinnikkut akiliisitaanerit imaluunniit akitsuutit allat aningaasanillu nuussinerit, taakkunani akiliisoq tiguisorlu tassaalluni akiliinernik isumaginnitsitsisoq nammineq atini atorlugu iliuuseqartoq. Taamattaq naalagaaffiit ilaasortaasut namminneq nunaminni akileeriaatsit immikkuullarissumik ilisarnaateqarnerat eqqarsaatigalugit, qarasaasiakkut giro-nik akiliinerit ilaatinngitsoortinnissaat toqqarsinnaavaat, taamaattorli aningaasanik nuussineq qaqugukkulluunniit akiliisumut kingumut aallaavissiorluni nassaarineqarsinnaajuassaaq. Naalagaaffiit ilaasortaasut aningaasat elektroniskiusut inassutigisaq 2005/60/EF-imi pineqartut pinngitsoortitsinermik atuisut, peqqussut manna malillugu atortariaqarjaa, aningaasat pineqartut 1000 EUR-t sinnersimangippatigit.

(10) Aningaasanik elektroniskiusunik atuinngitsoorneq, tak. Europa-Parlamentetip aamma Siunersuisooqatigiit inassutigisaat 2000/46/EF⁷⁾, aningaasanut elektroniskiusunut atuuppoq, aningaasanik taamaattunik suliarinnittoq inassutigisami taaneqartumi artikel 8 naapertorlugu immikkut akuerineqarsimappat akuerineqarsimangippalluunniit.

(11) Akileeriaatsit sunniuteqarluarnerat akornusersorniarnagu, kontonit aningaasanik nuussinerit misissornissaannut piumasaqaatit kiisalu aningaasanik kontuunngitsunit nuunneqarsimasunut piumasaqaatit imminnut sanilliullugit assigiinngissutaat misissortariaqarput. Nuussinerit pisortatigoortumik aqqutissat avaqqullugit aarlerinaatit akornanni oqimaaqatigiissitsiniarluni, kinaassutsimik

uppernarsaanissamut piunasaqaatit sakkortuallaat atuutsinneqalersimanera peqqutigalugu, aningaasanillu ikittuinnarnik nuussinerni pinerliinissamut aarlerinaateqarsinnaanera, akiliisup kinaassusianik paasissutissanik uppernarsaanissamut pisussaaffik, aningaasanik nuussinerit kontomit pisimanngippata, nuussinernut immikkoortunut 1000 EUR-nik sinneqarpata taamaallaat atuutsinneqarsinnaavoq, inassutigisami 2005/60/EF-imi piunasaqaatit sillimaffigalugit. Kontonit nuussinerni akiliinernik isumaginnittut akiliisoq pillugu paasissutissanik, aningaasanik nuussinerni ataasiakkaani ilanngunneqartartussani, misissuinissamut pisussaaffilerneqartariaqanngillat, inassutigisami 2005/60/EF-imi piunasaqaatit eqquutsinneqartillugit.

(12) Europa-Parlamentetip aamma Siunnersuisooqatigiit peqqussutaat (EF) nr. 2560/2001⁸⁾ tunngavigalugu kiisalu nunat niueqatigiit iluanni akiliisarnerit pillugit inatsisitigut nutaanik tunngavissaqalerneq pillugu Kommissionenip nalunaarutaa tunngavigalugu, Niueqatigiit iluanni aningaasanik nuussinernut atatillugu akiliisoq pillugit paasissutissanik pisariillisakkanik ilanngussinissaq piunasaqaatigissallugu naammappoq.

(13) Pisortat oqartussaasut aningaasanik peqquserluutinik malunnaarunnaasaasarnermut imaluunniit nunani allani pinerliinianik aningaasalersuinerik akiuiniarnernut akisussaasut, aningaasat siunertanut tamakkununga atorineqartut aallaavii paasiniarnissaannut periarfissinniarlugit, aningaasat Niueqatigiinnit nunanut Niueqatigiinnut ilaasortaangitsunut nuussinerit akiliisoq pillugu paasissutissanik tamakkiisunik imaqtartariaqarput. Pisortat oqartussaasut taaneqartut akiliisoq pillugu paasissutissanik tamakkiisunik atuinnissaminnut taamaallaat periarfissinneqartariaqarput, aningaasanik peqquserluutinik malunnaarunnaasaanernik imaluunniit pinerliinianik aningaasalersuinerik pitsaaliuiniaraangamik, misissuiniaraangamik kiisalu aningaasat aallaavii misissorniaraangamikkit.

(14) Akiliisumit ataatsimit aningaasartuutinik sipaarniuteqarluni ataatsimoortunngorlugit Niueqatigiinnit nunanut Niueqatigiit avataanniittunut aningaasanik ataasiakkaartunik nuussisarnerit periarfissinniarlugit, nuussinerit ataasiakkaartut tamakku akiliisup kontonormuanik imaluunniit paatsuugassaangitsumik kinaassutsimik uppernarsaasiinernik taamaallaat imaqtartariaqarput, ataatsimoortunngorlugit nuussineq akiliisoq pillugu paasissutissanik tamanik imaqtarpat.

(15) Aningaasanik nuussinerimik akiliisoq pillugu paasissutissanik piunasaqaatigineqartunik imaqtarnerisooq, nuussinerillu pasitsannartut suussusersinissaat misissorsinnaaqullugit, aningaasanik tiguisup akiliinermik isumaginnittuata suleriaatsit sunniuteqartut pilersissimasariaqarpai, akiliisoq pillugu paasissutissanik amigaateqartoqarnerisooq paasineqarsinnaaqullugu.

(16) Pinerliiniarnernik aningaasalersuinissamut aarlerinaateqarsinnaasut eqqarsaatigalugit, soorlu kinaassutsimik isertuussilluni nuussinerit taamaattartut, tiguisup akiliinermik isumaginnittua pisut pinngitsoortinnissaannut imaluunniit ikiorsernissaannut pisinnaasariaqarpoq, aningaasanik isumaginnittup malugiguniuk,

akiliisoq pillugu paasissutissat amigaateqartut imaluunniit tamakkiisuunngitsut. Tamanna siunertaralugu tamatigoortitsinissamut periarfissiisoqartariaqarpoq, akiliisoq pillugu paasissutissat aarlerinaateqartumik tunngaveqarneri eqqarsaatigalugit. Akiliisup akiliinermik isumaginnittua akisussaajuartariaqarpoq, akiliisoq pillugu paasissutissat sukumerluinnarnissai tamakkiisuunissaallu eqqarsaatigalugit. Akiliinermik isumaginnittoq Naalagaaffiit Niueqatigiit avataani najugaqarpat, killeqarfiit akimorlugit aningaaserivitsigut attaveqatigiittarnerni akiliinermik isumaginnittup taassuma tungaanut inassutigisaq 2005/60/EF naapertorlugu sullitanut annertunerusumik mianersornerunermik takutitsisoqartariaqarpoq.

(17) Nunami oqartussaasut akisussaasut malittarisassanik suliaqarsimagunik, tassa akiliinermik isumaginnittumit ataatsimit, akiliisoq pillugu paasissutissat piumasaaqatigineqartut tunniutinngitsoortaqaattartarpagit, nuussinerit tamaasa itigartinnissaannut pisussaaffiit eqqarsaatigalugit, imaluunniit isummerfigissallugu akiliinermik isumaginnittumik taassuminnga niueqatigiinnikkut attuumassuteqarneq killilerneqassasoq imaluunniit taamaatinneqassasoq, malittarisassat taamaattut ilaatigut suleriaaseq pitsaanerpaaq eqqarsaatigalugu pisut naapeqatigiissikkiartornissaannik tunngavigisariaqarpaat, taamaalillunilu eqqarsaatigineqarluni FATF-imit SR VII-mut paasinneriaaseq nutartigaq najoqqutaralugu 1000 EUR-imit imaluunniit 1000 USD-mut killissarititaasuni akiliisoq pillugu paasissutissanik nassiussinissamut pisussaaffik eqqarsaatigalugu nunat allat akuerineraat, aningaasanik peqquserluutinik malunnarunnaarsaasarnermik aamma pinerliiniani aningaasalersuinerimik sunniuteqartumik akiuiniarneq pillugu anguniakkat sillimaffigalugit.

(18) Qanorluunniit pisoqaralarpat aningaasanik tiguisup akiliinermik isumaginnittuata immikkut eqqumaffiginnittariaqarpoq aarlerinaatillillu nalilersorlugit, taassuma ilisimaleruniuk akiliisoq pillugu paasissutissat amigaateqartut imaluunniit tamakkiisuunngitsut, inassutigisaq 2005/60/EF-imi kiisalu nunat tamat isumaginnittarneq pillugu aalajangersagaat malillugit nalunaarutiginninnissamut pisussaaffik naapertorlugu akiliinermik isumaginnittup taassuma nuussinerit pasinartut pillugit oqartussaasutut akisussaasunut nalunaarutigisariaqarpai.

(19) Aningaasanik nuussisarnerit pillugit aalajangersagaq, akiliisoq pillugu paasissutissat amigartillugit imaluunniit tamakkiisuunngitsillugit atorineqassaaq, aningaasanik nuussinerit inuinnaat, ingerlatsineq imaluunniit pinerluttulereq pillugu inatsisit unioqqutillugit pisut, akiliinermik isumaginnittup aningaasanik nuussinerit unitsinnissaannut aamma/imaluunniit itigartinnissaannut pisussaaffii kalluanngikkaluarlugit.

(20) Akiliisoq pillugu paasissutissat tiguineqarsimasut tamaasa ingerlateqqinnissaannut pisussaaffiit eqquutsinniarlugit akiliinermik isumaginnittunut akunnermiliuttoq teknikkikkut killilersuutit pinngitsoortitsinissaat peernissaat angutserlugu, akiliinermik isumaginnittunut akunnermiliuttut paasissutissat tamakku nalunaarsortariaqarpaat. Teknikkikkut killilersuutit tamakku peerneqartariaqarpat, akiliisarnermi suleriaatsit qaffallugit nutarterneqariarpara.

(21) Pinerluttulerinermi sulianik paasiniaanermut atatillugu pisoqarsinnaammat, paasissutissat piunasaqaatigineqartut suussusersinissaasa imaluunniit inuit peqataasut kinaassusersinissaasa periarfissaqartanngimmat, aatsaallu aningaasanik nuusseqqaarnerup kingorna qaammatit arlallit immaqaluunniit ukiut arlallit ingerlasinnaasariaqarmata, akiliinernik isumaginnittut akiliisoq pillugu paasissutissatut nalunaarsuutit toqqorsimasariaqarpaat, aningaasanik peqquserluutininik malunnarunnaarsaasarnernik imaluunniit pinerliiniarnernik aningaasalersuinernik pitsaaliuinerit, misissuinerit aamma aallaaviinik misissuinerit siunertaralugit. Piffissaq taanna killilimmik sivilissuseqartariaqarpoq.

(22) Pinerliiniarnernik akiuinermi pilertortumik akuliunnissaq periarfissinniarlugu akiliinernik isumaginnittut akiliisoq pillugu paasissutissat pillugit apeqquteqaatit, aningaasanik peqquserluutininik malunnarunnaasaasarnernik imaluunniit pinerliiniarnernik aningaasalersuinernik nunami ilaasortaaffiusumi aningaasanik akiliinernik isumaginnittut najugaqarfigisaani akiuiniarnermi pisortanit akisussaasunit apeqquteqaatit pilertortumik qisuariarfigisariaqarpaat.

(23) Naalagaaffimmi ilaasortaasumi, akiliisup akiliinernik isumaginnittuata angerlarsimaffigisaani ullut suliffiusut amerlassusii aalajangiisuusarput, akiliisoq pillugu paasissutissanik apeqquteqaatit pillugit qisuariarfigineqarnissaani ullut qanoq amerlatigisut iluanni pisinnaanerit.

(24) Aningaasanik peqquserluutininik malunnarunnaarsaasarnernik pinerliiniarnernillu aningaasalersuinernik akiuiniarnerup pingaartinneqarnerujussua peqqutigalugu, naalagaaffiit ilaasortaasut nunaminni inatsisiliornikkut pineqaatissiissutinik sunniuteqartunik, naleqquttunik anusinngorsaataasussanillu peqqussummik matuminnga unioqqutsitsinerni atorneqartussaasunik aalajangersaasariaqarput.

(25) Peqqussut manna pivisunngortinniarlugu iliuserisassat pisariaqartut, Siunnersiusooqatigiit aalajangigaat 1999/468/EF ulloq 28. juni 1999-imeersoq, pivisunngortitsinissanut pisussaaffiit Kommissionen-ip isumagisassai ingerlanniarlugit erseqqinnerusumik piunasaqaatit aalajangersarsimani malillugit naapertuuttunik aalajangiisariaqarput.⁹⁾

(26) Naalagaaffiit arlallit, nunallu immikkoortui arlallit, Niueqatigiit iluanni ilaanngitsut, naalagaaffimmi ilaasortaasumik aningaasaqateqartut, naalagaaffiup ilaasortaasup aningaasaqarneranut ilaapput imaluunniit Europami Niueqatigiinnik isumaqatigiissuteqarlutik atsiornikkut aningaasaqatigivaat, naalagaaffimmi ilaasortaasumit sinniiseqarlutik, akiliisarnernillu isumaginnittoqarput, toqqaannartumik toqqaannanngitsumilluunniit nunap ilaasortaasup pineqartup akilersueriaatsianut pivisunngortitseriaasianullu peqataasut. Nunani pineqartuni imaluunniit nunap immikkoortuani aningaasarsiornikkut annertuumik pitsaanngitsunik kinguneqartitsinissat, naalagaaffiit ilaasortaasut pineqartut kiisalu nunat taakku imaluunniit nunap immikkoortuisa akornanni aningaasanik nuussinerni peqqussutip atorneqarata malitsigisaanik pilersinnaasut pinngitsoorniarlugit, periarfissiineqartariaqarpoq, aningaasanik nuussinerit taamaattut naalagaaffiit ilaasortaasut pineqartut iluini aningaasanik nuussinertut suliarineqartariaqarput.

(27) Kattuffiit/suliniaqatigiiffiit ikiuniarnermik suliaqartut ikiuniarnerinik akornusersorniarnagit, nunat ilaasortaasut akiliinernik isumaginnittartut sammisaqarfimmi iluanni, aningaasanik 150 EUR angullugit aningaasanik nuussinernut atatillugu, naalagaaffiup ilaasortaasup sammisaqarfiata iluani isumagineqartut eqqarsaatigalugit akiliisoq pillugu paasissutissanik katersinissamut, uppernarsaanissamut, nalunaarsuinissamut imaluunniit nassiussinissamut pinngitsoortinnissaannut piginnaatitsisariaqarput. Taamalli periarfissaqartitsinermi piunasaqaataasariaqarpoq, kattuffiit iluanaarniuteqanngitsut piunasaqaatinik assigiinngitsunik eqquutsitsissasut, taamaalilluni naalagaaffiit ilaasortaasut qulakkeersinnaallugu, taama pinngitsoortitsisinnaaneq pinerliinianik atonerlunneqassanngitsoq, taamaaliormikkut pinerliiniat ingerlataminnik aningaasalersuinerit isertuussinnaagamikku imaluunniit ajornaanninngortissinnaagamikku.

(28) Peqqussummut tassunga anguniakkat naalagaaffinnit ilaasortaasunit naammattumik eqquutsinneqarsinnaanngillat, taamaammallu iliuuseqarnerup annertussusia sunniutaalu peqqutigalugit niueqatigiit iluanni pitsaanagerusumik piviusunnngortinneqarsinnaallutik; Taamammat niueqatigiit EU-p iluani politikikkut aalajangikkat allaffissornikkut sapinngisamik appasissutigut isumagineqarnissaannik tunngavik (subsidiaritetprincippet) naapertorlugu iliuusissanik aalajangiisnaapput, takuuk isumaqatigiisummi artikel 5. Pissutsit annertussusii tunngavigalugit tulluarsaanermi tunngavik naapertorlugu, tak. artikel pineqartoq, peqqussutip taassuma siunertarinngilaa, anguniakkat tamakku anguniarlugit suut pisariaqartinneqarnersut.

(29) Aningaasanik peqquserluutinik malunaarunnaarsaasarnerup pinerliiniarnernillu aningaasalersuinerup akiorniarnerini periuseq ataqatigiissoq aalajangeriarlugu, peqqussummi matumani aalajangersakkat pingaarnerit aalajangersakkat attuumassuteqartut nunarsuaq tamakkerlugu akuerineqarnerini ulloq taanna aallarnerfigalugu atuutsinneqalertariaqarput –

PEQQUSSUT MANNA AALAJANGERNEQARPOQ:

KAPITALI I

ILIUUSEQARFIGISASSAQ, NASSUIAATIT AAMMA ATUUFFIA

Artikel 1

Iliuuseqarfigisassaq

Peqqussummi matumani aningaasanik nuussinerni akiliisoq pillugu paasissutissat suut nassiunneqartartussaasut pillugit malittarisassanik aalajangiisoqarpoq, aningaasanik peqquserluutinik malunnaarunnaarsaasarneq pillugu kiisalu pinerliiniarnermik aningaasalersuisarneq pillugu pitsaaliuinissaq, misissuinissaq aallaavinnillu misissuinissaq siunertaralugit.

Artikel 2

Nassuiaatit

Peqqussummi matumani makku ima paasisariaqarput:

- 1) ”pinerliiniarnernik aningaasalersuineq”: artikel 1, imm. 4, inassutigisami 2005/60/EF-imi nassuiaatigineqartutut aningaasanik tunniussineq imaluunniit katersineq
- 2) ”anigaasanik peqquuserluutinik malunrunnaarsaarneq”: iliuitsit suulluunniit, piaaraluni siunertaqartumik pippata, artikel 1, imm. 2 imaluunniit 3, inassutigisaaq 2006/60/EF naapertorlugu anigaasanik peqquuserluutinik malunrunnaarsaanertut isigineqassapput
- 3) ”akiliisoq”: inuk timalalik imaluunniit inatsisitigut suliaqartoq, kontomik piginnittoq, anigaasanik kontomit nuussinissamut akuersissuteqartoq, imaluunniit konto pigineqanngippat, inuttut nammineerluni imaluunniit inatsisitigut suliaqarluni anigaasanik nuussinissamut inniminniisoq
- 4) ”tigusisoq”: inuk timalalik imaluunniit inatsisitigut suliaqartoq, anigaasanik nuussinermi tiguisussavittut eqqarsaatigineqartoq
- 5) ”akiliinernik isumaginnittoq”: inuk timalalik imaluunniit inatsisitigut suliaqartoq, suliffiani anigaasanik nuussinernik sullissinerni pilersuineramik peqataasoq
- 6) ”akiliinernik isumaginnittumut akunnermiliuttoq”: akiliinermik isumaginnittoq, akiliisup imaluunniit tiguisup akiliinermi isumaginnittorinngisaat, anigaasanillu nuussinermi piviusunngortitsinermik peqataasoq
- 7) ”anigaasanik nuussineq”: akiliinermik isumaginnittoq aqputigalugu qarasaasiakkut akiliisoq sinnerlugu nuussineq isumagineqartoq, anigaasat akiliinermik isumaginnittumi anigaasanik tiguisumut pissarsisitsinissaq siunertaralugu tunniunneqartut, akiliisoq tiguisorlu inuk ataaseq taannarpiaagaluarpat apeqqutaatinnagu
- 8) ”ataatsimoortitsilluni nuussineq”: anigaasanik nuussinerit ataasiakkaartut arlallit ataatsimoortillugit nassiunneqartut
- 9) ”paatsoorneqarsinnaanngitsumik kinaassusersineq”: naqinnerit, kisitsisit imaluunniit ilisarnaatit ataatsimoortinneqartut akileeriaatsinut, piviusunngortitseriaatsinut nalunaaruteqariaatsinullu malittarisassat, anigaasanik nuussiniarluni atorneqartut naapertorlugit akiliinermik isumaginnittumit aalajangerneqartut.

Artikel 3

Atuuffia

1. Peqqussut matuma atuuffigaa aningaasanik nuussinerni, Naalagaaffiit Niueqatigiit iluanni akiliinermik isumaginnittumit nassiunneqartut imaluunniit tiguneqartut nunap suup aningaasaatiginerai apeqqutaatinnagit.

2. Peqqussut manna atuutinngilaq aningaasanik nuussinerni akiitsorsinnaanermut akiliisinnaanermullu kortit atorlugit isumagineqarsimappata, imallu pisoqarpat:

a) aningaasanik tiguisup, nioqqutissanik kiffartuussutinillu pilersorneqarnermut atatillugu akiliinissamut periarfissiineqarluni akiliinermik isumaginnittoq isumaqatigiissuteqarfigisimaguniuk

aamma

b) aningaasanik nuussineq pineqartoq paatsoorneqarsinnaanngitsumik kinaassutsimik uppersaammik malitseqarpat, taamaalilluni akiliisup nuussinerata aallaavigisaa kingumut paasineqarnissaanut periarfissiineqarluni.

3. Peqqussut manna aningaasanik nuussinerni atuutinngilaq, nuussineq aningaasat elektroniskiusut aqutugalugit isumagineqarpata, naalagaaffiup ilaasortaasup artikel 11, imm. 5, naqinneq d)-mi, inassutigisami 2005/60/EF-imi pinngitsoortitsinissap atornissaa toqqarsimappagu, aningaasat nuunneqartut 1000 EUR sinnersimangippatigit.

4. Imm. 3 sillimaffigalugu peqqussut manna atuutinngilaq, oqarasuaat angallattagaq atorlugu imaluunniit qarasaasiakkut atortut allat imaluunniit paasissutisseeriaatsimi (it) atortorissaarutit atorlugit aningaasanik nuussineq pisimappat, nuunneqartullu taakku siumut akilereerneqarsimappata kiisalu 150 EUR sinnersimangippatigit.

5. Peqqussut manna atuutinngilaq, oqarasuaat angallattagaq atorlugu imaluunniit qarasaasiakkut atortut allat imaluunniit it-mi atortorissaarutit atorlugit aningaasanik nuussineq pisimappat, nuunneqartullu taakku kingornatigit akiligaappata, piomasaaqatillu makku eqquutsinneqarsimappata:

a) aningaasanik tiguisup, nioqqutissanik kiffartuussutinillu pilersorneqarnermut atatillugu akiliinissamut periarfissiineqarluni akiliinermik isumaginnittoq isumaqatigiissuteqarfigisimaguniuk

b) aningaasanik nuussineq pineqartoq paatsoorneqarsinnaanngitsumik kinaassutsimik uppersaammik malitseqarpat, taamaalilluni akiliisup nuussinerata aallaavigisaa kingumut paasineqarnissaanut periarfissiineqarluni.

aamma

c) akiliinermik isumaginnittoq inassutigisami 2005/60/EF-imi pisussaaffinnut ilaatinneqarpat.

6. Naalagaaffiit ilaasortaasut aalajangersinnaapput peqqussut manna makkunatigit atussanagu; naalagaaffiup ilaasortaasup iluani tiguisup kontoanut, nioqqutissanik

kiffartuussutinillu pilersorneqarnermut akiliinissamut periarfissiineqarluni, ima pisoqassappt;

- a) tiguisup akiliinermik isumaginnittua inasutigisami 2005/60/EF-imi pisussaaffiliinernut ilaappat
- b) tiguisup akiliinermik isumaginnittua tiguisoq aqutigalugu normu innersuussut paatsoorneqarsinnaangitsoq aqutigalugu inuk timitalik imaluunniit inatsisitigut suliaqartoq aqutigalugu nioqutissanik imaluunniit kiffartuussutinik pilersorneqarnermut tiguisumik isumaqatigiissuteqarsimasoq kingumut aallaavia paasineqarsinnaappat

aamma

- c) aningaasat nuunneqarsimasut 1000 EUR sinnersimangippatigit

Naalagaaffiit ilaasortaasut taama pinngitsoortitsinissamik atuisut tamanna pillugu Kommissioni ilisimatitsissuteqarfigissavaa.

7. Peqqussut manna atorneqassanngilaq aningaasanik ima ililluni nuussineqarsimappat:

- a) akiliisussaq nammineq kontominit aningaasanik tiguisimappat
- b) illuatungeriit marluk akornanni akiligassanik nuussinissamut akuersissuteqarsimappat, illuatungeriit akornanni konto aqutigalugu akiliinissamut periarfissaqartitsippat, aningaasanik nuussineq pineqartoq paatsuugassaanngitsumik kinaassutsimik uppernarsaasiinermik malitseqarpat, inuk timitalik imaluunniit inatsisitigut suliaqartoq kingumut aallaavissillugu paasineqarsinnaanera periarfissaqartillugu
- c) checkit qarasaasiakkut akuerisaasut atorlugit nuussineqarpat
- d) naalagaaffiup ilaasortaasup iluani akileraarutininik, pineqaatissiinikkut akiliisitaanernik imaluunniit akitsuutinik allanik pisortatut oqartussatut akiliiniarluni nuussineruppat
- e) akiliisoq tiguisorlu tassaappata akiliinernik isumaginnittut, namminersuutigalugu akisussaasutut iliuseqarpata.

KAPITALI II

AKILIISUP AKILIINERMIK ISUMAGINNITTUATA PISUSSAAFFII

Artikel 4

Akiliisoq pillugu paasissutissat tamakkiisut

1. Akiliisoq pillugu paasissutissanut tamakkiisunut ilaapput, taassuma aqqa, najugaqarfia aamma kontonormua.
2. Najugaqarfimmut taarsiullugu akiliisup ulloq sumilu inunngorfia, sullitatut ilisarnaatitut normu imaluunniit nunami aggerfigisami inuttut normua nalunaarutigineqarsinnaapput.
3. Akiliisoq kontonormumik peqanngippat, tassunga taarsiullugu akiliinermik isumaginnittup paatsuugassaannngitsumik kinaassutsimut uppersaat atussavaa, taamaalilluni nuussineq akiliisumut kingumut aallaavissillugu paasineqarsinnaalluni.

Artikel 5

Aningaasanik nuussinerni paasissutissat nalunaarsuinerlu

1. Akiliinermik isumaginnittut qulakkiissavaat, aningaasanik nuussineq akiliisoq pillugu paasissutissanik tamakkiisunik malitseqarnissaa.
2. Aningaasat nuusneqarnissaat sioqqullugu, akiliisup akiliinermik isumaginnittuata akiliisoq pillugu paasissutissat tamaasa makku tunngavigalugit misissussavai; uppersaatit, paasissutissat imaluunniit paasisaqarfimmit tatiginartumik arlaannaanulluunniit attuumassuteqanngitsumik paasissutissat pissarsiarineqartut aqutigalugit.
3. Kontomit aningaasanik nuussinermi ima pisoqarsimappat misissuinissamut piunaqaatit eqqutsinneqarsimasutut isigineqassapput:
 - a) kontomik ammaanermut atatillugu akiliisup kinaassusia uppersarneqarsimappat, tamatumunngalu atatillugu paasissutissat artikel 8, imm. 2, aamma artikel 30, naqinneq a) inassutigisag 2005/50/EF-imi pisussaaffiit naapertorlugit toqqortarineqarsimappata.imaluunniit
 - b) akiliisoq artikel 9, imm. 6 inassutigisami 2005/60/EF-imi eqqartorneqarpat
4. Nuussinert kontomit pisuunngippata, akiliisup akiliinermik isumaginnittuata akiliisoq pillugu paasissutissat artikel 7, naqinneq c), inassutigisag 2005/60/EF-imi sillimaffigisassat taamaallaat uppersassavai, aningaasartai 1000 EUR sinnersimangippatigit, nuussinert iliuseqarnerit arlaqartut aqutigalugit pigimangippata, taakkulu ataqatigiissutut isumaqarfiginarpata, taakkulu katillugit 1000 EUR sinnersimangippatigit.
5. Akiliisup akiliinermik isumaginnittuata nalunaarsuutit akiliisoq aningaasanik nuussinermut atatillugu paasissutissat tamakkiisut ukiuni tallimani toqqorsimassavai.

Artikel 6

Naalagaaffiit Niueqatigiit iluanni aningaasanik nuussinerit

1. Artikel 5, imm. 1 apeqquataatinnagu, atuuppoq akiliisoq tiguisullu akiliinermik isumaginnittua Naalagaaffiit Niueqatigiit iluanni inissisimappata, aningaasanik nuussinerit taamaallaat kontonormumik imaluunniit paatsoorneqarsinnaanngitsumik kinaassutsimik uppersaammik malitseqassapput, taamaaliornikkut nuussinerit akiliisumut kingumut aallaavissillugit paasineqarsinnaammata.
2. Tiguisup akiliinermik isumaginnittuata piumasarippagu, akiliisup akiliinermik isumaginnittuata akiliisoq pillugu paasissutissat tamakkiisut tiguisup akiliinermik isumaginnittuanut tunniutissavai, tamannalu pissaaq taama piunasaqarfigineqarnerup tigueneranit ullut suliffiusut pingasut iluanni.

Artikel 7

Naalagaaffiit Niueqatigiinnit Naalagaaffiit Niueqatigiit avataannut aningaasanik nuussinerit

1. Aningaasanik nuussinerit, tiguisup akiliinermik isumaginnittua Naalagaaffiit Niueqatigiit avataaniitsillugu, akiliisoq pillugu paasissutissanik tamakkiisunik malitseqassapput.
2. Akiliisumit ataatsimit ataatsimoortitsinikkut nuussineqartillugu, tiguisullu akiliinermik isumaginnittui Naalagaaffiit Niueqatigiit avataanni inissisimatillugit, imm. 1 nuussinerni ataasiakkaani atuutsinneqassaaq, tassani ataatsimoortinneqarnerini, ataatsimoortitsilluni nuussineq paasissutissanik tamakkuninnga imaqarpat, nuussinerillu ataasiakkaat akiliisup kontonormuanik imaqarpata imaluunniit paatsoorneqarsinnaanngitsumik kinaassutsimik uppersaamma imaqarpata.

KAPITALI III

TIGUISUP AKILIINERMIK ISUMAGINNITTUATA PISUSSAAFFII

Artikel 8

Akiliisoq pillugu paasissutissanik amigaateqartoqarnera pillugu paasinninneq

Tiguisup akiliinermik isumaginnittuata paasissallu pisussaaffeqarpoq, tiguisoq pillugu aningaasanik nuussinernut atatillugu atorneqartartut nalunaaruteqariaatsimi imaluunniit akileeriaatsimi aamma isumaginneriaatsimi paasissutissanut tunngasuni immersugassat immersorneqarsimanersut naliliinernik avataaniillu paasissutissanik

ilanngussilluni, nalunaaruteqariaatsimi imaluunnit akileeriaatsimi aamma isumaginneriaatsimi malittarisassat atuuttut malillugit akuerisaasut. Akiliinermik isumaginnittoq taanna akiliisoq pillugu paasissutissanik makkuninnga amigaateqartoqarnersoq paasissallugu sunniuteqartunik suleriaaseqartariaaqarpoq:

a) aningaasanik nuussinerni, akiliisup akiliinermik isumaginnittua Naalagaaffiit Niueqatigiit iluanni inissisimatillugu, artikel 6-imi paasissutissat piumasarineqartut malillugit

b) aningaasanik nuussinerni, akiliisup akiliinermik isumaginnittua Naalagaaffiit Niueqatigiit avataanni inissisimatillugu, akiliisoq pillugu paasissutissat tamakkiisut artikel 4-mi aalajangersagaasut, imaluunniit taamaangippat artikel 13-imi paasissutissat piumasarineqartut malillugit

aamma

c) ataatsimoortitsilluni nuussinerni, akiliisup akiliinermik isumaginnittua Naalagaaffiit Niueqatigiit avataanni inissisimatillugu, akiliisoq pillugu paasissutissat tamakkiisut artikel 4-mi aalajangersagaasut, taamaattorli taamaallaat ataatsimoortitsilluni nuussinerni, imaangitsoq nuussinerni ataasiakkaani taakku tassani ataatsimoortinneqarsimaneranni.

Artikel 9

Aningaasanik nuussinerni akiliisoq pillugu paasissutissat amigaateqartut imaluunniit tamakkiisuunngitsut

1. Tigusisup akiliinermik isumaginnittup nuussinernik tigusinermini paasiguniuk, peqqussummi matumani paasissutissat piumasaqaatigineqartut amigartuusut imaluunniit tamakkiisuunngitsut, akiliinermik isumaginnittup nuussinissaq itigartissavaa imaluunniit akiliisoq pillugu paasissutissat tamakkiisut qinnutigissavai. Qanorluunniit pisoqaraluarpat, tigusisup akiliinermik isumaginnittuata, aningaasanik peqquserluutinik malunnarunnaarsaaniarneq kiisalu pinerliiniarnernik aningaasalersuineq pillugu inatsisinik atuuttunik sunilluunniit imaluunniit allaffissornikkut aalajangersakkanik atuuttunik sunilluunniit equutsitsisussaavoq, pingaartumik peqqussut (EF) nr. 2580/2001 aamma (EF) nr. 881/2002 aamma inassutigisaq 2005/60/EF kiisalu nunami immiini piviusunngortitsinissamut aalajangersakkat.

2. Akiliisoq pillugu paasissutissat piumasaqaatigineqartut akiliinermik isumaginnittup tunniunnarlugit akuttunngitsunik piviusunngortitsisanngippat, tigusisup akiliinermik isumaginnittua sillimassutissanik aalajangigaqassaaq, aallaqqaammut mianersoqqussutinik nassiussinernik kiisalu akissuteqarnissamut piffissaliinernik ilaqartunik, taassumalu kingorna akiliinernik isumaginnittartumit taassumanga siunissami aningaasanik nuussinerit itigartissallugit imaluunniit akiliinermik isumaginnittartumik taassuminnga niuernikkut attaveqarneq killilerneqassanersoq imaluunniit unitsivinneqassanersoq isummerfigissallugu.

Tiguisup akiliinermik isumaginnittuata pisortani oqartussaasunut, aningaasanik peqquserluutinik malunnarunnaarsaanermut imaluunniit pinerliiniarnernik aningaasalersuinernik akiuiniarnermi akisussaasunut, tamanna nalunaarutigissavaa.

Artikel 10

Aarlerinaateqartunik tunngavilinnik naliliineq

Tiguisup akiliinermik isumaginnittuata akiliisoq pillugu paasissutissat amigaateqarnerini imaluunniit tamakkiisuunnginnerini naliliinermini eqqarsaatigissavaa, aningaasanik nuussineq imaluunniit assingusunik nuussinerit pasinartuunersut, kiisalu inassutigisami 2005/60/EF-imi kapitel III-mi inassutigisami aalajangersakkat naapertorlugit pisortatut aningaasanik peqquserluutinik malunnarunnaarsaasarnermik aamma pinerliiniarnernut aningaasalersuinernik akiuiniarluni akisussaasunut nalunaarutigissanerlugit nalilertussaavai.

Artikel 11

Nalunaarsuineq

Tiguisup akiliinermik isumaginnittuata akiliisoq pillugu paasissutissat pissarsiarineqarsimasut nalunaarsorneqarsimaneri ukiuni tallimani toqqorsimasussaavai.

KAPITALI IV

AKILIINERNIK ISUMAGINNITTUT AKUNNERMILIUTTUISA PISUSSAAFFII

Artikel 12

Nuussinernut atatillugu akiliisoq pillugu paasissutissanik toqqortarinnineq

Akiliinermik isumaginnittut akunnermiliuttuisa, aningaasanik nuussinermut ilanngullugit akiliinermut atatillugu akiliisoq pillugu paasissutissat tigusatik nuussinermut ilanngullugit toqqortarinissat isumagissavaat.

Artikel 13

Teknikkikkut killilersuutit

1. Artikel manna atorneqassaaq, akiliisup akiliinermik isumaginnittua Naalagaaffiit Niueqatigiit avataanni inissisimappat, akiliinermilu isumaginnittumut akunnermiliuttoq Naalagaaffiit Niueqatigiit avataanni inissisimappat.
2. Akiliinermik isumaginnittumut akunnermiliuttoq aningaasanik nuussinerit tighuneranni ilisimaleruniuk, peqqussummi akiliisoq pillugu paasissutissat

piumasaqaatigineqartut amigaateqartut imaluunniit tamakkiisuunngitsut, akiliinermik isumaginnittup akunnermiliuttuata akileeriaaseq teknikkikkut killiliisoq atorsinnaavaa, taamaaliornikkut akiliisoq pillugu paasissutissat aningaasanik nuussinermi taamaalilluni aningaasanik nuussinermi tiguisup akiliinermi isumaginnittuanut malinnaatillugit nassiunnissai periarfissaarullugit.

3. Akiliinermik isumaginnittumut akunnermiliuttoq aningaasanik nuussinermik tigusaqarnermini ilisimaleruniuk, peqqussummi matumani akiliisoq pillugu paasissutissat piumasaqaatigineqartut amigaateqartut imaluunniit tamakkiisuunngitsut, akiliinermik isumaginnittumut akunnermiliuttup akeriaaseq teknikkikkut killiersuisoq taamaallaat atussavaa, tamanna pillugu tiguisup akiliinermik isumaginnittua ilisimatinnegarsinnaappat, akileeriaatsit nalunaaruseqariaatsillu inuini, taama paasissutissiinerup ingerlannissaa periarfissaqartillugu, imaluunniit suleriaaseq alla atorlugu, taama attaveqariaaseq akuerineqartuuppat imaluunniit akiliinermik isumaginnittut akornanni tamanna isumaqatigiissuteqarfigineqarsimappat.

4. Akiliinermik isumaginnittumut akunnermiliuttup teknikki killilersuutaasoq atoruniuk, akiliinermik isumaginnittumut akunnermiliuttup tiguisup akiliinermik isumaginnittuanit piumasaqarfigineqarluni, taama piumasaqarnerup tiguneranit ullut suliffiusut pingasut iluanni akiliisoq pillugu paasissutissat tiguneqarsimasut akunnermiliuttumut tiguneqartussanngorlugit, paasissutissat tamakku tamakkiisuuppata tamakkiisuunngikkaluarpataluunniit.

5. Pisuni imm. 2 aamma 3-mi taaneqartuni akiliinermik isumaginnittup akunnermiliuttuata paasissutissat tiguneqarsimasut pillugit nalunaarsuutit ukiuni tallimani toqqortarissavai.

KAPITALI V

PISUSSAAFFIIT NALINGINNAASUT AAMMA PIVIUSUNGORTITSINISSAMUT PISINNAATITAAFFIIT

Artikel 14

Suleqatigiinnissamut pisussaaffiit

Akiliinermik isumaginnittut naalagaaffinni ilaasortaasuni nunami immi sumiiffimmini inatsisini suleriaatsinut piumasaqaatit naapertorlugit tamakkiisumik pisortanillu piumasaqarfigineqarnermikkut ingerlaannartumik eqquutsitsissapput, tamakku naalagaaffimmi ilaasortaasumik pineqartumi aningaasanik peqquserluutinik malunnarunnaarsaanermik pinerliiniarnernillu aningaasalersuinernik akiuniarnermi akisussaasunut, tassani eqqarsaatigineqartut akiliisoq pillugu paasissutissat aningaasanik nuussinerni ilanngullugit nassiunneqartussat eqqarsaatigalugit, kiisalu assingusunik nalunaarsuinernut.

Oqartussaasut tamakku nunami immini pinerluttulerinermut inatsisit sillimaffigalugit pisinnaatitaaffiillu tunngaviusut illersorniarlugit, paasissutissat taamaallaat atorsinnaavaat, aningaasanik peqquserluutunik malunaarunnaarsaanerit imaluunniit pinerliiniarnernik aningaasalersuinerit pitsaaliorniarnerini, misissuiffiginerini imaluunniit aallaaviinik paasiniaanerini siunertaqartut.

Artikel 15

Pineqaatissiinerit aamma nakkutigininnerit

1. Naalagaaffiit ilaasortaasut peqqussummi matumani aalajangersakkanik unioqqutitsinerit pillugit pineqaatissiisarnerni malittarisassanik aalajangersaasartuupput, tamakkulu piviusunngortinneqarnissaat qulakkeerniarlugu iliuuserisassanik pisariaqartunik tamanik aalajangiisartuusuullutik. Pineqaatissiinerit tamakku sunniuteqartussaapput, unioqqutitsisnermut naammaginartumik tulluuttuusussaallutik, kiisalu anusingorsaatit sunniuteqartussallutik. Tamakku atuutilerfigaat 15. december 2007 aallarnerfigalugu.

2. Imm. 1-imi malittarisassat pillugit kiisalu oqartussat sorliit malittarisassanik eqquutsitsiniarnermi oqartussaansut pillugit naalagaaffiit ilaasortaasut kingusinnerpaamik 14. december 2007 Kommissionimut nalunaarutiginnittussaapput, taakkulu taassuma kingorna malittarisassat sorliit allanngortinneqarnersut tamaasa ingerlaannartumik nalunaarutigissavaat.

3. Naalagaaffiit ilaasortaasut pisortatut oqartussaasutut akisussaaffeqartut peqquteqarfigissavaat sunniuteqartumik nakkutiginnessat, peqqussummilu matumani piumasaqaatit eqquutsinneqarnissaat qulakkeerniarlugu iliuusissanik pisariaqartinneqartunik aalajangiissasut.

Artikel 16

Ataatsimiititaliat suleriaasissaat

1. Kommissionip ikiortigivaa Aningaasanik peqquserluutunik malunnarunnaarsaasarnermik Pinerliiniarnernillu aningaasalersuinermik pitsaaliuinerimut Ataatsimiititaliaq, inassutaasoq 2005/60/EF malillugu pilersinneqarsimasoq, tulluuttunilu taaguuserneqassasoq ”ataatsimiititaliaq”.

2. Immikkoortumut tassunga innersuussineqartillugu, aalajangiinermi 1999/468/EF-imi artikel 5 aamma 7 atorneqassaaq, tak. taassuma artikel 8-t, piviusunngortitsinermi iliuutsit tamanna tunngavigalugu akuerineqarsimasut pillugit suleriaasissamut aalajangersakkat pisimappata, peqqussummilu tassani tunngavigisatut aalajangersakkat allanngortinneqarsimangippata.

Artikel 5, imm. 6-imi aalajangiinermi 1999/468/EF-imi piffissaliusaaq qaammatinut pingasunut aalajangerneqarpoq.

KAPITALI VI

AVAQQUSISINNAANERIT

Artikel 17

Nunanik nunalluunniit immikkoortuinik Niueqatigit avataaniittunik isumaqatigiissuteqarneq

1. Kommissionip naalagaaffik ilaasortaasoq pisinnaatissinnaavaa nunap immini aaqqiissutit aqputigalugit nunamik imaluunniit nunap immikkoortuanik isumaqatigiissusiorsinnaaneranik, isumaqatigiissutip artikel 299-iani aalajangersakkat Niueqatigiinnerup avataaniittunik, tassani pineqarlutik peqqussummit matumanit avaqqunneqarsinnaasunik, taamaaliornikkut nunap taassuma imaluunniit nunap immikkoortuata akornanni aningaasanik nuussinerit suliarineqarsinnaanngortillugit, naalagaaffillu ilaasortaasoq pineqartoq aningaasanik nuussisusuusoq naalagaaffiit ilaasortaasut iluanni.

Isumaqatigiissutit taamaallaat makku eqquutsinneqarpata akuerineqarsinnaapput:

a) nuna pineqartoq imaluunniit nunap immikkoortua naalagaaffimmik ilaasortaasumik pineqartumik aningaasaateqarnikkut assingunik aningaasaateqarpat, nunap ilaasortaasup aningaasaqartitsineranut ilaappat imaluunniit Europami naalagaaffiit Niueqatigiit aningaasaqarnikkut naalagaaffimmit ilaasortaasumit sinniiseqarluni isumaqatigiissuteqarsimappat.

b) nunami imaluunniit nunap immikkoortuani akiliinermi isumaginnittut toqqaannartumik toqqaannanngitsumilluunniit naalagaaffimmi ilaasortaasumi pineqartumi akileeriaatsimut piviusunngortitseriaatsimullu peqataappata.

aamma

c) nuna pineqartoq imaluunniit nunap immikkoortua pineqartoq piomasaqarpat, akiliinermik isuaginnittut inatsisitigut oqartussaaffimmi iluani malittarisassat taakku peqqussummi matumani aalajangerneqarsimasut atussagaat.

2. Naalagaaffik ilaasortaasoq, imm. 1-imi pineqartut pillugit isumaqatigiissuteqarnissamik kisaateqaruni, Kommissionimut qinnuteqaammik nassiussissaaq paasisutissallu pisariaqartinneqartut tamaasaq tunniullugit.

Kommissioni nunamit ilaasortaasumik qinnuteqaammik tigusaqaruni, naalagaaffiup ilaasortaasup nunallu pineqartup imaluunniit nunap immikkortua pineqartuup akornanni aningaasanik nuussisarneq utaqqiisaasumik suliarineqassaaq, soorlu naalagaaffiup ilaasortaasup taassuma iluani nuussisarnertut isumagissavaa, artikel-imi matumani suleriaaseq malillugu inaarutaasumik aalajangiisoqarnissaata tungaanut.

Kommissioni naliliippat paasissutissat pisariaqartitat tamaasa piginnikkunigit, taassuma qaammatit marluk qaangiutsinnagit attaveqarfiginnissaaq naalagaaffimmit ilaasortaasumit pineqartumit qinnuteqaat tigoreersimallugu, immikkullu nassuiaateqarfigalugu paasissutissat suut piumasaqateqarfigineqarnersut.

Kommissionip paasissutissat qinuteqaammut nalilersuinissamut pisariaqartinneqartutut isumaqarfigisatit tamaasa pissarsiareerunigit, qaammatip ataatsip ingerlanerani naalagaaffik ilaasortaasooq tamanna pillugu nalunaarfigissavaa, qinnuteqaallu naalagaaffinnut ilaasortaasunut allanut ingerlateqqillugu.

3. Taama ilisimatitsissuteqarnerup kingorna kingusinnerpaamik qaammatip pingasut qaangiunnerini, imm. 2-mi, immikkoortut sisamaannut innersuussutigineqartumi, artikel 6, imm. 2-mi suleriaaseq malillugu Kommissioni aalajangissaaq, naalagaaffik ilaasortaasooq pineqartoq qanoq ilisukkut artikelimi matumani imm. 1-imi pineqartutut isumaqatigiisummit isumaqatigiissusiorsinnaassanersoq pisinnaatissinnaassanerlugu.

Qanorluunniit pisoqaralarpat aalajangiineq pissaaq, immikkoortup siullianut innersuussutigineqartoq, qinnuteqaatip tигuneranit kingusinnerpaamik qaammatit 18-it qaangiunneranni.

Artikel 18

Naalagaaffimmi ilaasortaasumi suliniaqatigiiffiit iluanaarniuteqanngitsut aningaasanik nuussisarnerit

1. Naalagaaffiit ilaasortaasut akiliinermik isumaginnittartut namminneq oqartussaaffimmini artikel 5-imi pisussaaffiinit avaqqutsitsisinnaapput, aningaasanik suliniaqatigiiffiit iluanaarniuteqanngitsut eqqarsaatigalugit, tamakku ikiuniarnernik, upperisamik tunngaveqarlutik, kulturikkut, ilinniartitaanikkut, isumaginninnikkut/inooqatigiinnikkut, iliisimatuussutsikkut imaluunniit peqatigiiffeqarnikkut siunertanik iluaqusiiniarlutik ingerlatsippata, kattuffiit/suliniaqatigiiffiit tamakku naatsorsuutinik saqqummiussinissaminnut pisussaaffeqarunik aamma avataanit kukkunersiorneqarnissamik imaluunniit pisortani oqartussaasunit nakkutigineqarunik imaluunniit namminneerlutik nunap inatsisai akuerisaasut malillugit imminnut nakkutigineqarunik, kiisalu aningaasanik nuussinerit ataasiakkaat 150 EUR sinnersimanngippatigit, kiisalu naalagaaffiit ilaasortaasut iluanni taamaallaat tamakkuninnga ingerlatsigunik.

2. Naalagaaffiit ilaasortaasut artikelimi taassuminnga atuigunik, Kommissionip nalunaarutigissavaa, imm. 1-imi pineqartuni periarfissat suut atorniarlugit siunertaanersut iliuusissatut akuerineqarnersut, tamakkununnga ilaallutik kattuffiit/suliniaqatigiiffiit nalunaarsorfiini suut pinngitsoortitsinissamut ilaatinneqarnersut, inuillu aqqi, kattuffimmik suliniaqatigiiffimilluunniit oqartussaasutut nakkutilliisut, tassanilu ilitseruussutigineqassallunni nalunaarsuut qanoq nutarterneqartassanersoq. Paasissutissat tamakku assigiisumik pisortanut

oqartussaasunut aningaasanik peqquserluutininik malunnarunnaarsaasarnermik pinerliiniarnernillu aningaasalersuinernik akuiniarnermi akisussaasunut atugassannortillugit tunniunneqassapput.

3. Naalagaaffik ilaasortaasoq pineqartoq kattuffiit/suliniaqatigiiffiit pinngitsoortitsinissamut ilaatinneqartut pillugit allattorsimaffiannik nutartikkamik akiliinermik isumaginnittartunut naalagaaffimmi ilaasortaaffiusumi suliaqartartut pillugit nassiussissaaq.

Artikel 19

Kukkunersiunermut atuuffissatut killilersuutit

1. Peqqussutip matuma aningaasarsiornikkut inatsisilerinikkullu atornissaa pillugu tamakkisumik naliliinissaq Europa-Parlamentip aamma Siunnersuisooqatigiit kingusinnerpaamik 28. december 2011 Kommissionip nalunaarussiaq saqqummiutissavaa, pisariaqassappallu siunnersuummik allannguutissanik siunnersuutininik malitseqartillugu imaluunniit taassuminnga atorunnaarsitsilluni.

2. Nalunaarut pingaarnertut makkuninnga naliliinernik imaqassaaq:

a) artikel 3-mik atuineq, artikel 1, imm. 3, inassuteqaammi 2000/46/EF-imi nassuiaatigineqartutut aningaasanik elektroniskiusunik atornerluisinnaaneq pillugu qaavatigut misilittakkat eqqarsaatigalugit, kiisalu aningaasanik peqquserluutininik malunnarunnaarsaasarnermut pinerliiniarnernillu aningaasalersuinernut atatillugu akileeriaatsit nutaat eqqarsaatigalugit atornerqarneranut atatillugu atornerqarpoq. Taama atornerluinissamut aarlerinaateqartoqarpata aaqqiissummik matuminnga allannguutissanik Kommissioni siunnersuuteqarumaarpoq.

b) artikel 13-imik atuineq, teknikkikkut killilersuutit eqqarsaatigalugit, akiliisup tiguisup akiliinermik isumaginnittuanut paasissutissanik tamanik akiliisoq pillugu paasissutissanik ingerlatitseqqinnissamik periarfissaarutsitsisinnaasut eqqarsaatigineqarput. Teknikkikkut killilersuutit taamaattut qaangerneqarsinnaasinnaassappata, nunat akiliisarnermi sammisaat nutaat eqqarsaatigalugit, kiisalu akileeriaatsinut tamakkununnga aningaasartuutit ilaasut eqqarsaatigalugit, aaqqiissummut matumunnga allannguutissanik Kommissioni siunnersuutissanik saqqummiussissaaq.

KAPITALI VII

AALAJANGIISUSSAMIK AALAJANGERSAKKAT

Artikel 20

Atuutsinneqalerfissaa

Peqqussut manna atuutsinneqalissaaq Den Europæiske Unions Tidende-ip tamanut saqqummiunneqarnerani ullut 20-ssaat aallarnerfigalugu, ullorli 1. januar 2007 sioqqunnagu.

Peqqussut manna immikkuualuttortaani tamani avaqqunneqarsinnaanngilaq, naalagaaffinnullu ilaasortaasunut tamanut atuuttussaatinneqarluni.

Suliarineqarfigaa Strasborg-imi, ulloq 15. november 2006

Europa-Parlamentet sinnerlugu

Siulittaasoq

J. Borrell Fontelles

Siunnersuisooqatigiit sinnerlugit

Siulittaasoq

P. Lehtomäki

¹) EUT C 336 af 31.12.2005, s. 109.

²) Europa-Parlamentip oqaaeqaataa 6.7.2006-imeersoq (suli EUT-mi tamanut saqqummiunneqanngitsoq) aamma Siunnersuisooqatigiit aalajangigaat 7.11.2006-imeersoq.

³) EFT L 344 af 28.12.2001, s. 70. Kingullermik Kommissionip peqqussutaatigut allangortinneqartoq (EF) nr. 1461/2006 (EUT L 272 af 3.10.2006, s. 11).

⁴) EFT L 139 af 29.5.2002, s. 9. Kingullermik Kommissionip peqqussutaatigut allangortinneqartoq (EF) nr. 1508/2006 (EUT L 280 af 12.10.2006, s. 12).

⁵) EUT L 309 af 25.11.2005, s. 15.

⁶) EFT L 281 af 23.11.1995, s. 31. Peqqussutikkut allangortinneqartoq (EF) nr. 1882/2003 (EUT L 284 af 31.10.2003, s. 1).

⁷) EFT L 275 af 27.10.2000, s. 39.

⁸) EFT L 344 af 28.12.2001, s. 13.

⁹) EFT L 184 af 17.7.1999, s. 23. Kingullermik aalajangiinikkut allanngortinneqartoq 2006/512/EF (EUT L 200 af 22.7.2006, s. 11).